



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonComercial  
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

9676

## Ա, ՏԱՏԵԱՆԻԹԻՒՆ

四三

ԱՍՏՐՈՒԹԻՒՆ

ՏՐԾՈՒԵԱՑ ՀԻՆԳԵՐՈՐԴ ԵՒ ՎԵՑԵՐՈՐԴ  
ԲԱԼԻՑ ԱԶԳԱՅԻՆ ՎԱՐԺԱՐԱՆԱՑ

268

#### Կ. Ա. ԻՒԹԻՒՃԵԱՆ

Կրակնեան Տեսութեան Ազգային Վարժարանաց

## ՅԱՆՉՐԱԾՈՒԹԵԱԲ

Անոնշեական բօրդը է 0.94, ԿԵԴ, ՎԱՐՁԱՒԹՅՈՒՆ



ԿՈՍՏԱՆԴԻՐԻՊՈԼԻՍ

ՊԱՐՔ, ԵՎ ՎԵՐԱԿՐ. Գ. ՊԱՐՏԱՍՏԱՆԻ

ան համամ փողոց, թիւ 14

641

3in-68

1893

N° 478

20

✓53

119

2011

ED 2002

ԱՐՏԵՒՐ ՏԻՏԵՍՈՂԹԻԿՆ

կը

ԿԱՄ

641

300-68

ՏՆԱՐԱՐՈՒԹԻՒՆ

Ի ՊԵՏԱԿԱՆ ԱՇԱԿԵՐՏՈՒՅՑՆԵՐ ՀԻՆգԵՐՈՐԴ ԵՒ ՎԵՑԵՐՈՐԴ  
ԴԱՍՈՒՅ ԱԶԳԱՅԻՆ ՎԱՐԺԱՐԱՆԱՑ

ԳՐԵՑ


Կ. Ս. ԻՒԹԻՒՑԵԱՆ

Կարական Տեսուչ Ազգային Վարժարանաց.

ՅԱՆՁՆԱՐԱՐՈՒԹԵԱՄԲ

ՈՒԽՈՒՄՆԱԿԱՆ ԽՈՐՀՐԴՈՑ ԱԶԳ. ԿԵԴՐ. Վ. ԱՐՁՈՒԹԵԱՅ

6 1008  
355-16



ՏՊԱԳՐ. Ի ՎԻՄԱԳՐ. Զ. ՊԱՊԱՅԵԱՆ

Սուլբան համամ փողոց, թիւ 14

1891

17300

## ՎԱԻԵՐԱԳԻՐ

ՈՒՍՈՒՄՆ, ԽՈՐՀՐԴՈՅ ԱԶԴ, ԿԵԴՐ, ՎԱՐՉՈՒԹԵԱՆ



Ազգային Կեդր, Վաշչուքեան Կրթական Տեսուչ Մեծ, Խրիւնեան Կարապետ էմինենցի, աշխատավորութեամբ պատրաստեալ ԱՌՃԵՒՆ ՏՆՏԵՍՈՒԹԵԱՆ դասագիրբն Ուսումնական Խորհուրդն էնենլով՝ բա ամենայնի յարմար եւ օգտակար գտա ի պէս աշակերտունեաց Ե. Եւ Զ. դասարանաց, հետևապէս կը յանձնարարէ զործածութիւնն Ազգային Վարժարանաց մէջ:

Ի դիմաց Ուսումնական Խորհրդոյ

Ա.ՏԵ.Ա.Պ.Ի.Ր.

ՊՈՂՈՍ Գ. ՔԵՐԵՍԷՃԵԱՆ

Ա.ՏԵ.Ա.Պ.Ի.Ր.

Ռ. ՊԵՐՊԷՐԵԱՆ

10 Օգոստս 1891

ՆԱԽԱԲԱՆ

Առևնին Տնտեսութիւն կամ՝ աւելի ճշդիւ՝ Տնարութիւն կը կոչուի տան ներքին կառավարութիւնն, որ՝ իգական սեռին յատուկ պաշտօնը լինելով՝ աղջկանց կրթութեան անհրաժեշտ մասը կը կազմէ :

Երբ մտածեմք թէ նախախնամութիւնն զվենն առաջին դասիարակ կարգած է մարդկութեան, երբ մտածեմք մանաւանդ թէ ընտանեկան երշանկութիւնը զվասւորապէս կնոշ կարողութենէն ու առաքինութենէն կախումն ունի, եւ ապերջանն կութիւնը նորա ապիկարութենէն կամ անբարոյութենէն, անմիջապէս կըզգամք այս ուսման կենսական կարեւորութիւնը :

Զկայ երկիր մը, չկայ ընկերական ամենաբարձր վիճակ մ'իսկ, որ տանտիկնական վսեմ պաշտօնին արժանապէս կատարման համար հարկ եղած հրմանութիւնը, կարողութիւնն ու առաքինութիւնը չպահանջէ կնոշմէ :

Նահապետական ժամանակներէն սկսեալ, ամեն բաղաքակիրթ ազգաց կանայք, իշխանուհիք իսկ եւ Թագուհիք, առևսին հոգերով կը գրադէին եւ կը գրադին :

Մեծն կարոլոս կայսրն իւր աղջիկները տնական գործոց կ'աշխատեցունէր, որպէս զի, կ'ըսէր, դաշտակակեցութեան չվարժուին, եւ իրենց պիտոյքն հոգալու կարող լինին եթէ երբէք դժբաղդութեան հանդիպին, վասն զի, կ'ըսէր, ոչինչ կրնայ զմեզ յապահովել բաղդին հարուածներէն :

Միթէ այժմ իսկ չեմք տեսներ իշխանազուն տիկնայր եւ օրիորդը, եւրոպական վեհապետաց կանայր եւ զատերը, որք ոչ միայն իրենց ձեռաց աշխատութիւններն, ասղնենկարներ, ծաղիկներ, ժանեակներ եւ այլ ծեռագործներ, ի վաճառ հանելով կամ վիճակահանութեան զնելով՝ արդիւնքն աղբատաց կը բաշխեն, այլ եւ անծամբ հիւանդանոցներն ու անկելանոցներն երթալով՝ կը սպասաւորեն աղբատ հիւանդագ :

Կը մնայ զիտնալ թէ աղջիկներն որ հասակէն պարտին սկսիլ Առևնին Տնտեսութեան ուսումն և Ռդմութիւնը կը պատասխանէ թէ մանկական հասակէն : Տնարարութեան զիտութիւնը զինաւորապէս աշխատասիրութեան, բարեկարգութեան եւ նախատեսութեան վարժութիւն եւ հետեւապէս ունակութիւն լինելով, ուրիշ նախակրթական վարժութեանց պէս ի մանկութենէ պարզ ստացուիլք

Այս պատճառաւ է որ, ինչպէս ամեն քաղաքակրթեալ ազգաց, նոյնպէս եւ մեր նախակրթարանաց մէջ պարտաւորիչ եղած է աղջիկ մանկանց համար Առևնին տնտեսութեան ուսումն, իբրեւ առաջնորդ ընտանեկան բարօրութեան :

Եւ որովհետեւ ուսուցման համար յարմար դասագիրք մը պէտք էր, մեք յանձն առինք նույլ զայդ պակաս, սոյն համառօս դասագիրքը խմբագրելով,

որոյ մէջ փոյթ ունեցած եմք այս կարեւոր նիւթոյ վրայ գող եւրոպացի հեղինակաց ոմանց, եւ զինաւորապէս երկու ֆրանսացի նշանաւոր հեղինակուհեաց, Օրիորդ Էրնէսթին Վլրթի եւ Օրիորդ Փլարիս ժիւրանվիլի, աշխատութիւններն օժանդակ կամ խորհրդակից առնուլ մեզ, ցուցընելու համար մանաւանդ թէ ընտանեկան պարտեաց եւ առաքինութեանց սկզբունք նոյն են ամեն տեղ, եւ թէ՝ եւրոպական քաղաքակրթութեան նրբութիւններն եւ նաշակի փափկութիւններն, որոց հետեւելու եռանդուն փոյթ մը կը տեսնուի մեր ազգին մէջ, յոյժ լաւ կը համածայնին ընտանեկան առաքինութեանց, այն է ժրացանութեան, խնայութեան եւ պարզասիրութեան հետ, որովք միայն կարելի է ընտանեկան երշանկութիւն ձեռք բերել :



## ԱՐՏՆԻՆ ՏՆՏԵՍՈՒԹԻՒՆ

ԿԱՄ

### ՏՆԱՐԱՐՈՒԹԻՒՆ



### ՄԱՍՆ ԱՌԱՋԻՆ

1. Պարտականութիւնն Տանտիկնոց.

Տանտիկնոջ պարտականութիւններն ընտանեկան կենաց հիմունքն են։ Ո՞րչափ զօրեղ կամ հաստատուն լինին այդ հիմունք, այնչափ առաւել երջանիկ կը լինին ընտանիք։

Արդ, ընտանեաց մօր կամ տանտիկնոջ պարտականութիւնքն են.

Ա. Հմտութիւն տնական աշխատութեանց և լնտանեաց մայր կամ տանտիկին մը, որ անձամբ վարժուած չլինի տնական աշխատութեանց, ո՞չ միայն արժանի չէ

տանտիկին կոչուելու, այլեւ ինքնին խըղ-  
ճալի արարած մ'է, վասն զի չկրնար ան-  
ձամբ որ եւ է գործ կատարել եւ իւր իսկ  
պիտոյքը պատշաճապէս հոգալ, այլ միշտ  
այլոց կը կարօտի, յաճախ դժուարու-  
թեանց կը հանդիպի եւ նեղութիւն կը  
կրէ, թէ եւ նիւթապէս հարուստ եղած  
լինի: Տեսնուած են այնպիսի ընտանիք,  
որոց խոհարարն հիւանդացած կամ տու-  
նէն մեկնած միջոցին առանց կերակրոյ  
մնացած եւ չոր հաց ու աղանդէր միայն  
ուտելու դատապարտուած են:

Բ. Ժրացանուրիւն կամ Աշխատասիրու-  
թիւն: Ինչպէս որ ծուլութիւնը մայր է  
ամեն մոլութեանց, աշխատասիրութիւնն  
ալ մայր է եւ աղբիւր առաքինութեան  
ու երջանկութեան, Առանց փութաջա-  
նութեան ու մտաց աշխատութեան, տուն  
մը՝ փոշիով ու տատասկով ծածկեալ արտի  
մը կերպարան կ'ստանայ:

Գ. Բարեկարգութիւն եւ խնայութիւն: Այս երկու բարեմասնութիւննք անբաժան  
են իրարմէ: Առանց բարեկարգութեան  
խնայութիւնը նշանակութիւն չունի: Բա-  
րեկարգութեամբ կը կանոնաւորին տան  
մ'ամեն գործերը. բարեկարգութեամբ

միայն առաջքը կ'առնուի անկարգ կամ  
աւելորդ ծախուց. վերջապէս բարեկար-  
գութեամբ միայն կարելի կը լինի պատ-  
շաճ խնայութիւններ ընել: Պէտք չէ մոռ-  
նալ թէ մեծ գետերը փոքրիկ առուներէ  
կը կազմուին: Այսպէս ալ մանր խնայու-  
թիւնք շարունակելով՝ հարստութիւն կը  
կազմեն:

Դ. Հաշուակաղութիւն: Բարեկարգու-  
թեան եւ խնայութեան համար անհրա-  
ժեշտ պայման է հաշուակալութիւնը: Տանտիկինը պարտի գիտնալ իւր մտից եւ  
ելից հաշիւը: Տետրակ մը կամ հաշուե-  
տումարիկ մը պարտի ունենալ, որոյ մէջ  
նշանակէ նախ իւր շաբաթական կամ ամ-  
սական հասոյթը: յետոյ նոյն հասոյթին  
համեմատ որոշէ տան սովորական ծախ-  
քըն, այն է սնունդի, հագուստի եւ բը-  
նակութեան պէտք եղած ծախքն, ա-  
ռանց մոռնալու բարեգործութեան եւ  
անակնկալին բաժիններն, եւ ամեն օր ը-  
րած ծախքը նշանակելով՝ ջանայ միշտ  
հաւասարակշռութիւն պահել մտից եւ  
ելից մէջ:

Ե. Հսկողութիւն: Եթէ ծառայք կամ  
սպասաւորք կան տանը մէջ, տանտիկնոջ

պարտքն է հսկել նոցա վարուց եւ գործոց վրայ , բարեսրտութեամբ բայց եւ միանդամայն լրջութեամբ վարուիլ նոցա հետ , առանց ծանր կամ վիրաւորիչ խօսքերու : Այսպէս տանտիկնող աշալուրջ հսկողութիւնն իւր բաղացեալ արդիւնքը կ'ունենայ՝ առանց որ եւ է գժուարութեան : Սպասաւորք չեն կրնար իրենց պարտեաց հակառակ վարուիլ եւ հետեւապէս կանոնաւորութիւն կը տիրէ սպասարկութեանց մէջ :

Զ . Մանօրուրիւն առողջարանական սկզբանց եւ հիւանդապահական կանոնաց : Ընտանեաց մայր մը , որ զաւակ մեծցունելու պաշտօն ունի , բնականարար պարտաւոր է նոցա առողջութիւնը պահպանելու հոգ տանել , եւ տկարութիւն կամ հիւանդութիւն մ'ունեցած ժամանակ պէտք եղած կերպիւ խնամել գիտնալ : Շատ անդամ թեթեւ անզգուշութիւն մը , ամենափոքր սիսալ մը , աղետալի հետեւանք կրնայ ունենալ :

Է . Բարեբարոյուրիւն : Երբ կին մը , իւր տանտիկնական պարտուց կատարման լծորդէ եւ բարուց ազնուութիւն , այն է համեստութիւն , քաղցրութիւն , գորովա-

սրտութիւն եւ ընկերական պատշաճից ծանօթութիւն , տանտիկնական տիպարը կատարեալ կը լինի :

## 2. Տնաշէն կին .

Համեստ արհեստաւորի մը կին էր տիկին Մաքրուկի Յ . . . եան : Վեց զաւակ ունեցեր էր , որոց երկուքը մեռեր էին եւ չորսը ողջ մնացած , երկու մանչ , երկու աղջիկ :

Առաւօտուն կանուխ կ'արթննար , կ'իջնէր խոհարանը , փոքրիկ լուացք մը կ'ընէր . յետոյ վեր կ'ելնէր , սենեակն ու բակը կ'աւլէր , ամուսնոյն եւ որդւոց նախաճաշիկը կը պատրաստէր . ինքն ալթեթեւ նախաճաշ մ'ընելէ յետոյ կը նըստէր , կարը ձեռք կ'առնուր եւ կը սկսէր աշխատիլ : Իւր զաւակաց հագուստները , պարզ բայց վայելուչ եւ կոկիկ , իւր ձեռքէն կ'ելնէին , ինչպէս նաեւ ամուսնոյն կտաւեղինքք : Ճաշակ եւ ճարտարութիւն միացած էին իւր վրայ :

Տանը մէջ կատարեալ մաքրութիւն եւ բարեկարգութիւն կը տիրէին : Ամէն առաւօտ զաւակները մի առ մի կը նստե-

ցունէր իւր առջեւ , աճառջրով կը մաք-  
րէր նոցա երեսները , վիզը , ականջները ,  
ձեռներն ու ստները . կը լուար նոցա բե-  
րանն ու ակռաները , կը սանտրէր գլուխը ,  
կը յարդարէր մազերը , կը քննէր հա-  
գուստները , եթէ անմաքրութիւն մը ,  
քակուկ կամ պատուած մ'ունենային , կը  
մաքրէր , կը կարկտէր , կը նորոգէր , այն-  
պէս որ տեսնողը կը զմայլէր նոցա մարմ-  
նոյն եւ հանդերձից մաքրութեանն ու  
վայելչութեան վրայ :

Տիկին Մաքրուհի մեծ փոյթ ունէր նաև  
իւր զաւակները կրթելու : Իւր կրօնա-  
կան պարտականութեանց ճշդիւ կատար-  
ման ուշադիր , նոյն կրօնասիրական ըզ-  
գացմանքը ներշնչած էր նաև իւր զա-  
ւակաց : Աչք չէր գոցեր նոցա տղայական  
թերութեանց . քաղցրութեամբ կը յան-  
դիմանէր , կը խրատէր եւ յուղղութիւն  
կը բերէր : Ամեն բանի ժամանակ յատ-  
կացուցած էր . ուսման , ձեռագործի եւ  
զբոսնաց : Այսպէս իւր զաւակները , մա-  
նաւանդ աղջիկները , մաքրասիրութեան ,  
կարգապահութեան , կանոնաւորութեան  
եւ աշխատասիրութեան կը վարժեցու-  
նէր , ինքնին տալով նոցա օրինակ ,

որ ամեն խրատներէ աւելի կ'ազդէ (\*) :  
Եթէ գործի կամ առուտուրի նուազու-  
թեան պատճառաւ ամուսինը նեղուէր ,  
տիկին Մաքրուհի կը կրկնապատկէր աշ-  
խատութիւնը , մանաւանդ գիշերները  
քանի մը ժամ աւելի նուիրելով ձեռա-  
գործի , օգնութեան կը հասնէր ամուս-  
նոյն : Տրտունջ կամ գժգոհութիւն երբէք  
չէր լսուեր բերնէն . ընդհակառակն միշտ  
զուարթ էր , միշտ ժպտադէմ , որով վստա-  
հութիւն ու արիութիւն կը ներշնչէր ա-  
մուսնոյն եւ զաւակաց :

Վերջապէս կատարեալ ճշդութեամբ  
այդ պատուական կնոջ կը պատշաճէր ի-  
մաստնոյն Սողոմոնի սա նշանաւոր խօսքը :  
«Կին ժրագլուխ պսակ է առն իւրում» :

(\*) Զեմք սիսալիր եթէ ըսեմք թէ տղայը իրենց  
ծնողաց եւ մանաւանդ մարց հայելին են : Երբ տես-  
նեմք տղայ մը մարուր , բարեկիրէ , սիրուն , վրան  
զլուխը կոկիկ , վայելուչ , իսկոյն կը մակաբերեմք  
թէ մայրը լաւ տանտիկին մ'է . իսկ երբ տեսնեմք տը-  
ղայ մը ալտոն , գծուծ , անխնամ եւ անշնորհի , ան-  
միշապէս կը վժուեմք թէ մայրն անզիրթ եւ ապի-  
կար շլսի մ'է :

### 3. Տնաւէր կին.

Հարուստ սեղանաւորի մը միակ դուստրն էր տիկին Պերճուհի Ս . . . եան։ Հայրը՝ տարաժամ մահուամբ մեռնելով՝ բաւական հարստութիւն թողած էր։ Մայրը, ծուլութեան, շուայլութեան եւ պըճնասիրութեան վարժուած լինելով, նոյն ընթացքը շարունակեց։ այնպէս որ, երբ Պերճուհի չափակաս եղաւ, հօրմէն մնացած հարստութեան ամենամեծ մասը փըճացած էր։ Բերայի մէջ տուն մը, Ղալաթիոյ մէջ ալ խանութ մը մնացած էր։ Պերճուհի նոյն խանութը դրամօժիտ տալով ամուսնացաւ նորածեւական նիւթեր վաճառող երիտասարդի մը հետ։

Եւ որովհետեւ տնական աշխատութեանց ընտելացած չէր, տան բոլոր գործերն սպասաւորի մը ձեռք մնացած էին։ Տիկինն իւր արդուզարդին եւ իւր անձնական հաճոյից գոհացման միայն մտադիր էր։ այցեր կուտար, այցեր կ'ընդունէր։ իւր խօսակցութեանց նիւթերն էին նորածեւութիւնք, այս կամ այն ընտանեաց ընթացքին, այս կամ այն տան մէջ ան-

ցած անցից կամ պատահած դէպքերու վրայ դաստղութիւնք, դիտողութիւնք, խծրծանք, բամբասանք։ Այս էր իւր սովորական կեանք։ Իսկ տնական գործերն երեսի վրայ։ ամեն բան անկարգ վիճակի մէջ։ կարասիները փոշիով ծածկուած։ ամեն կողմը անմաքրութիւն ու խառնացիութիւն կը տիրէր։

Տարի մը չանցած, ամուսինն հարկադրեցաւ վաճառել դրամօժիտ առած խանութն, եւ ժամանակ մ'եւս առ հարկի գոհացունել իւր կնոջ պահանջմունքն, առանց կարենալու յուղղութիւն ածել զայն։

*1808  
355/6*  
Վերջապէս սպառելով ամուսնոյն կառողութիւնն եւ ըսդ նմին համբերութիւնը, տանը մէջ վլճն ու գժութիւնն սկսաւ, եւ գործն այն վիճակին հասաւ, որ կենակցութիւնն իսկ անհնարին լինելով, այրն հարկադրեցաւ մեկնիլ տունէն՝ առանց այլ եւս վերադառնալու։

Աւելորդ է ըսել, թէ Պերճուհի, հօրմէն մնացած տունն ալ վաճառելով՝ քանի մը տարի եւս շարունակեց նոյն անկարգ ընթացքն, եւ վերջապէս չքաւորութեան մէջ ընկնելով, սկսաւ անէծք

կարդալ իւր մօր , որ զինքն այնպէս ան-  
կիրթ եւ շռայլ մեծցունելով՝ պատճառ  
եղած էր իւր թշուառութեան :

#### 4. Փութաջանութիւն եւ Ծուլութիւն .

Երկու քոյր էին Վիրգինէ եւ Յուլիա-  
նէ . մին փութաջանութեան տիպար ,  
միւսը ծուլութեան :

Վիրգինէ առաւօտուն կանուխ կ'ելնէր ,  
կը լուացուէր , կը հագուէր , իւր սենեա-  
կը կը ժողլըտէր , կ'աւէլէր , անկողինը կը  
յարդարէր , եւ յետոյ վար կ'իջնէր ,  
դէմքը թարմեւ զուարթ , մազերը սանտ-  
րուած եւ վայելչապէս յարդարուած ,  
ակռաները մարգարիտի պէս սպիտակ (\*) ,  
չըջազգեսարը ձիւնի պէս ճերմակ , կօշիկ-  
ները փայլուն . վերջապէս՝ մաքրութիւն ,  
վայելչութիւն , անարատութիւն եւ զը-  
ւարթութիւն կ'արտայայտէր :

(\*) Ակրաներու խնամքը մարմնական խնամոց  
ամենակարեւոր մասն է՝ թէ առողջապահական եւ  
թէ բարեկրթական տեսակէտով . Դիւրաւ կրնայ ե-  
րեւակայուիլ թէ ո՛րչափ անհամոյ տպաւորութիւն  
մը կ'ընէ ընկերութեան մէջ կամ տեսնողին վրայ՝  
տիկնոց մը մանաւանդ աղջկան մ'ակռաներուն  
աղտոս ու տգեղ տեսքը :

Յուլիանէ ալ կ'արթննար նոյն պահուն ,  
բայց ոչ սիրո ունէր անկողնէն իջնելու ,  
ոչ յօժարութիւն : Աչքը կը գոցէր , մեղ-  
կիկ երազներ կ'երազէր , եւ նորէն ի քուն  
կ'ընկղմէր , որով գլուխը կը ծանրանար ,  
աչերը կը բժոտէին , երեսները կը թթմ-  
թրէկին : Վերջապէս երկրորդ անգամ  
արթննալով , քիչ մը ժամանակ եւս ան-  
կողնին մէջ մի կամ միւս կողմ դառնալէ  
յետոյ , կ'ելնէր կը նստէր , կը յօրանջէր ,  
կը ձկաէր , պահ մ'անշարժ կը սպասէր եւ  
չէր համարձակեր վար իջնել անկողնէն  
ու հագուիլ : Լուացուելու ախորժ չէր  
զգար . հանգերձները կը փնտոէր , զորս  
խառն ի խուռն աստին անդին նետած էր  
պառկելու ժամանակ . գուլպաները կը  
հագնէր , բայց ծնդակապերը լաւ չ'ան-  
ցունելով , որունքն ի վար կ'ընկնէին . կօ-  
ժիկները կը հագնէր՝ առանց կոճակներն  
ամբողջապէս կոճկելու կամ կապերը կա-  
պելու , որով գուլպաները մէջ տեղերէն  
կ'երեւնային եւ կապերն ալ գետինը կը  
քսուէին : Նախաճաշի զանդակը կը զար-  
նուէր , Յուլիանէ ո՛չ գլուխը սանտրած  
էր , ոչ ալ պէտք եղածին պէս մաքրուած  
ու հագուած , այնպէս որ , իւր անձն ալ

սենեկին պէս՝ անկարգութեան կենդանի նկարագիր մը կ'ընծայէր :

Երկու քոյրերուն այս հակապատկերն՝ ոչ միայն իրենց անձինու արդուզարդին վրայ կը տեսնուէր, այլ եւ իրենց վարուց եւ ունակութեանց մէջ։ Այնպէս որ, այդ երկու աղջկանց առաջինը տեսնողն համակրութիւն կը զգար, երկրորդը տեսնողն հակակրութիւն։ Առաջինը միշտ զուարթ, միշտ ժիր, միշտ վառվրուն էր. հաճոյք կ'զգար աշխատութենէ, ուստի եւ բռնածը կը յաջողէր։ Իսկ երկրորդն՝ ընդհակառակն՝ անճրկած, տխուր եւ անշնորհ էր, ոչ մի բան ընելու ախորժ կամ տրամադրութիւն չունէր, աշխատութիւնն անտանելի բեռ մ'էր իրեն համար, այս պատճառաւ՝ բռնած գործն ալ չէր յաջողեր։

### 5. Պչանի եւ պարզութիւն.

Իգական սեռին յատուկ մոլութիւն մ'է պչրանքն, այն է արդուզարդի չափազանց սէրը. բայց այս մոլութիւն ծանր հետեւութիւններ ունի. անխորհուրդ ծախուց դուռ մ'է. եւ որովհետեւ յաճախ

կը կրկնուին այդ ծախսք, չափաւոր վաստակ ունեցող ամուսնոց նեղութեան եւ մինչեւ իսկ կործանման պատճառ կը լինին :

Փամանակաւ դրացի մ' ունէինք՝ արհեստով մանրավաճառ, պարկեցտ եւ աշխատահր մարդ մը, որ բաւական դիւրակեաց վիճակ մ'ունէր։ Օրին մէկը լսուեցաւ որ սնանկացեր էր, Դրացիք եւ բարեկամք՝ բնականաբար հետաքրքրուելով՝ իմացան վերջապէս թէ կնոջը պճնասիրութիւնը պատճառ եղեր էր խեղճ մարդուն սնանկութեան։ Եւ արդարեւ չափազանց պճնասէր էր կինը։ Նոր ելած կերպաս մը կամ սնդուս մը, նորածեւ շրջազգեստ մը, փեղոյր մը, թիկնոց մը տեսան, անպատճառ պէտք էր գնէր կամ շինել տար. ապա թէ ոչ՝ կագ եւ կոիւ կը տիրէր տանը մէջ։ Այրը՝ չկրնալով ընդդիմանալ կնոջն ստիպումներուն, որոց առջեւ ամեն փաստ, ամեն նկատողութիւն անզօր էր, տկարամտութեամբ կը զիջանէր, եւ այսպէս այդ կին իւր անմիտ նանրասիրութեամբ իւր տունը կործանեց եւ իւր զաւակաց թշուառութեան պատճառ եղաւ։

Արդարեւ մարդ չկրնար ցաւ չզգալ մը-  
տածելով որ ժապաւէնի մը կասլը , շրջա-  
զգեստի մը գոյնը , փեղոյրի մը ձեւը կեն-  
սական խնդիր դառնան կարդ մը սնա-  
փառ կանանց համար , որք ընկերութեան  
մէջ փայլելու ուրիշ միջոց կամ արժա-  
նիք չունենալով , մի միայն իրենց հա-  
գուստներով ու արտաքին պաճուճան-  
քով կ'ուզեն փայլիւ , եւ գրեթէ միշտ  
ծաղրելի կը լինին պատուաւոր ընկերու-  
թեանց առջեւ :

Եթէ աղջիկներն եւ ընդհանրապէս կա-  
նայք խելամուտ լինէին թէ չնորհքն ու  
գեղեցկութիւնն արդուզարդէ կախում  
չունին , պարզութիւնը կ'ընտրէին , որոյ  
հետ յոյժ լաւ կրնան միանալ ազնիւ ճա-  
շակ եւ փայելչութիւն : Գեղեցիկ դէմք  
մը , չնորհալի շարժուած մ'ինքնին բա-  
ւական սիրուն , բաւական զմայլելի են՝  
առանց պէտք ունենալու արուեստական  
թանկագին զարդուց : Հետեւաբար մե-  
ծապէս կը սիսալին կանայք՝ երբ կը կար-  
ծեն թէ ճոխ զարդեր կրելով սիրալի կը  
լինին այլոց :

Վերջապէս , այն կանայք , որք այլոց  
վրայ համելի տպաւորութիւն մ'ընելու

համար՝ նորաձեւութեան ու արդուզար-  
դի օգնութեան դիմելու պարտաւորուած  
կը կարծեն զիրենք , տխուր ապացոյց մը  
կ'ընծայեն իրենց մոռքին դատարկութեան  
եւ սրտին չքաւորութեան . մանաւանդ ,  
երբ իրենց նիւթական վիճակն ալ չպա-  
տասխանէ իրենց ցոյց տալ ուզած փայ-  
լին , ծաղր եւ այպանք կը հրաւիրեն ի-  
րենց վրայ :

### 6. Խնայողութիւն .

Կնոջ կարողութիւնն յոյժ մեծ է առ-  
տնին տնտեսութեան մէջ : Նորա ձեռքը  
շինելու ալ կարող է , քանդելու ալ : Ոչ  
մի հարատութիւն չկրնար դիմանալ ան-  
հոգութեան կամ չուայլութեան , նոյնպէս  
ոչ մի թշուառութիւն կամ աղքատու-  
թիւն չկրնար դիմանալ աշխատամիրու-  
թեան եւ խնայողութեան :

Աշխատիլ եւ խնայել չգիտցող տան-  
տիկինը , տանը կարեւոր գործերն երեսի  
վրայ թողլով՝ իւր շապիկին ժանեակ շի-  
նելու կը զբաղի , կամ՝ իւր զաւակը ցուր-  
տէ չպատսպարելով՝ նորա հիւանդանա-  
լուն պատճառ կը լինի , եւ բազում օ-

րեր, ինչպէս նաեւ գումարներ կը զոհէ  
նորա դարմանին եւ բժշկման համար:

Աշխատութիւնը՝ տնտեսական լեզուով՝  
օգտակար արդիւնք արտադրելն է. իսկ  
խնայութիւնն՝ այն արդիւնքը պահպա-  
նելն է:

Խնայութիւնը տան մը գանձապահը  
պարտի լինել, տնական կառավարութեան  
բացարձակ տէրն, որում ամեն ոք հնա-  
զանդի:

Խնայութիւնը մի միայն դրամոց խո-  
հական եւ զգուշաւոր գործածման մէջ  
չկայանար, այլ մանաւանդ աշխատու-  
թեան, բարեկարգութեան եւ խմասուն  
տնարարութեան մէջ, այսինքն՝ կերակ-  
րոց կանոնաւոր պատրաստման, կահուց  
կարասեաց եւ զգեստուց խնամով գոր-  
ծածման, եւ առողջապահական կանոնաց  
համաձայն վարման մէջ:

Խնայող կինը, կամ ինչպէս մեր մայ-  
րերն յոյժ պատշաճաբար կը կոչէին, շա-  
հածուկ կինը, ճշմարիտ նախախնամու-  
թիւն մ'է տան մը համար, վասն զի նա  
կը հիմնէ տան մը բարեկեցութիւնը, խա-  
ղաղութիւնն ու երջանկութիւնն. Ամեն  
բան յարմար ժամանակին կը պատրաստէ.

Նպարեղիններն առատ եւ թեթեւագին  
եղած ժամանակ կը գնէ կամ գնել կու-  
տայ. կերակուրները ճշդիւ պէտք եղա-  
ծին չափ կ'եփէ կամ եփել կուտայ. մէկ  
խօսքով՝ ամեն ջան ի գործ կը դնէ, որ-  
պէս զի աւելորդ ծախք տեղի չունենայ:

Տանտիկինն, ինչպէս իւր դրամը, նոյն-  
պէս եւ ժամանակը խնայութեամբ պար-  
տի գործածել: Ժամանակին չարաչար  
գործածումը կամ վատնումը շահաբեր  
աշխատութեան մը կորուստ կը նշանակէ,  
եւ ոչ նուազ վնասակար ու պարսաւելի  
է քան դրամոյ չարաչար գործածումը:

Վերջապէս, պէտք է քաջ խելամուտ  
լինիլ թէ տնարարութեան՝ այն է տնա-  
կան աշխատութեանց, բարեկարգու-  
թեան եւ խնայութեան վարժութիւնը՝  
մեծագումար դրամօժիտէ մ'անհամեմատ  
աւելի կ'արժէ:

7. Քաղցրաբարոյւթիւն եւ դաժա-  
նութիւն.

Քաղցրաբարոյւթիւնն՝ երկրաւոր եր-  
ջանկութեան ամենէն ստոյգ գրաւա-  
կանն է:

Քաղցրաբարոյ կինն ամենուն հետ խաղաղութեամբ եւ սիրով կ'ապրի : Ներողամիտ է , բարեացակամ է ամենուն համար : Զախողուածի կամ հակառակութեան մը հանդիպած ժամանակ չգըրգուիր , չբարկանար , ամեն բանի լաւ կողմը կ'առնու , կամ ամեն բան բարի մոօք կը մեկնէ , եւ միշտ կը ջանայ հաճելի լինել այլոց : Իւր շուրջը գտնուողները խաղաղութեան քաղցրազուարթ միշնոլորտի մը մէջ կ'ապրին : Միշտ ժպիտ կը փայլի շրթանցը վրայ , որովհետեւ զուարթութիւնն ու ժպիտը սրտի բարութեան պատկերն են :

Իսկ դաժան կամ դառնաբարոյ կինն , ընդհակառակն , մշանջենաւոր տանջանք մ'է իւր շուրջը գտնուողներուն : Ժամ մ'իսկ հանգիստ չթողսւր զանոնք : Ամէն բանի համար կը խօսի . ոչ մէկ բանէ գոհ չլինիր . անդադար կը գանգատի այլոցմէ եւ մինչեւ իսկ իւրմէ : Միշտ դժգոհ է եւ դժուարահամ . ոչ մէկուն կարծիքը չընդունիր : Եթէ բանի մը համար ձերմակ է ըսեն , կը պնդէ թէ սեւ է : Երբ մարդու մը մանաւանդ կնոջ մը վրայ բարի խօսին , հակառակը կը պնդէ . իսկ երբ

չար խօսին , կը գովէ : Սաստիկ դիւրագրգիռ է . դիտողութիւն չընդունիր երբէք . ամենափոքր ընդդիմախօսութենէ կը զայրանայ :

Այսպիսի կնոջ մը հետ ապրողին կեանքը շարունակ կագով ու կոիւով կ'անցնի . ձշմարիտ դժոխաք մ'է :

Տարակոյս չմնար ուրեմն թէ աղջիկ մը պարտի ի մանկութենէ ինքզինք քաղցրաբարոյութեան վարժեցունել , առանց որոյ կարելի չէ այլոց սէրն ու համակրութիւնը գրաւել եւ ընտանեկան խաղաղութեան անդին բարիքը վայելել :

#### 8. Տնելսական առածք .

1. Ով որ բան մ'ընել չգիտեր , չկրնար հրամայել :

2. Բամբակ մանող ժրաջան կինն առանց շապկի չմնար :

3. Զեռքը ձեռնոց անցունող կատուն չկրնար մուկ բռնել :

4. Բոյնը չինողն էգ թռչունն է :

5. Իրիկուան կանուխ պառկիլն եւ առաւօտուն կանուխ ելնելն՝ առողջութիւն հարստութիւն եւ խելք կը բերէ մարդուն :

6. Եթէ հաւատարիմ ու սիրելի ծառայ մը կ'ուզէք, դուք ծառայեցէք ձեզ։

7. Եթէ ձեր գործը կատարել կ'ուզէք, անձամբ գլուխը կեցէք. իսկ եթէ կ'ուզէք որ չկատարուի, ուրիշի յանձնեցէք։

8. Առաւօտուն ուշ ելնողն՝ օրն ի բուն կ'անձրկի, եւ մինչեւ որ գործի սկսի, իրիկուն կը լինի։

9. Դատարկութիւնը ժանգի կը նմանի, աշխատութենէ աւելի կը մաշեցունէ։

10. Զուարձութիւնն իրմէ փախչողներուն ետեւէն կը վագէ։

11. Նօթութիւնն աշխատասէր մարդուն կամ կնոջ դռնէն ներս կը նայի, բայց չհամարձակիր մոնել։

12. Մուլութիւնն այնչափ ծանր կը քալէ, որ աղքատութիւնը շուտով կը հասնի ետեւէն։

13. Մուլութիւնը հոգեր կը ծնի, եւ առանց հարկի հանգստութիւնը ձանձրոյթ եւ վիշտ կը բերէ։

14. Ճաշակի չափազանց փափկութիւնը մուրացկանութեան կ'առաջնորդէ։

15. Եթէ քեզ պէտք չեղած բաներ գնես, շատ չանցած՝ ամենէն աւելի պէտք եղածը կը ծախես։

16. Շքասիրութիւնը մարդոց բուն պէտքերէն աւելի պոռացող անյագ մուրացկան մ'է։

17. Բեհեղները ծիրանիներն ու թափշները կը մարեն խոհարանին կրակը։

18. Եթէ մէկ ճշմարիտ աղքատ կայ, հարիւր ալ գործերնին չգիտնալով տնանկացեալք կան։

19. Կաթիլ կաթիլ վազող ջուրը վերջապէս կը ծակէ քարը։

20. Երեք անգամ տունէ տուն փոխադրուողն՝ հրկիզեալի մը չափ վնաս կը կրէ։

### Հարցարան.

1. Ի՞նչ է առտեսին տնտեսութիւնն։ — Ուրիշ ի՞նչ անուն ունի։ — Որո՞ւ պաշտօնն է։ — Ի՞նչ են ընտանեաց մօր կամ տանտիկնոջ պարտականութիւնքն։

2. Ո՞վ էր տիկին Մաքրուհի։ — Քանի՞ զաւակ ունէր։ — Ի՞նչ կընէր։ — Ի՞նչպէս կը կրթէր իւր զաւակներն։ — Ի՞նչ կը կոչուի այսպիսի կին մը։

3. Ո՞վ էր Պերձուհի։ — Ի՞նչպէս մեծ-

ցած էր : — ի՞նչո՞վ կը զբաղէր : — ի՞նչ  
եղաւ վերջն :

4. Ո՞վ էին վիրդինէ եւ Յուլիանէ :  
— ի՞նչ կ'ընէր վիրդինէ : — ի՞նչ կ'ընէր  
Յուլիանէ : — ի՞նչ տարբերութիւն ու-  
նէին իրարմէ :

5. Ի՞նչ է պչրանքն : — ի՞նչ եղաւ  
մեր գրացիին վիճակն : — Ո՞ր կանայք  
կամ աղջիկները կը սիրեն արդուզարդը :

6. Ի՞նչ է խնայութիւնն : ի՞նչ կ'ընէ  
խնայող տանտիկինն : — ի՞նչ կ'ընէ խը-  
նայութիւն շգիտցող տանտիկինը : —  
ի՞նչ բանի վրայ կը կայանայ խնայու-  
թիւնն :

7. Ի՞նչ է քաղցրաբարոյութիւնն : —  
ի՞նչ կ'ընէ քաղցրաբարոյ կինն : — ի՞նչ  
կ'ընէ դաժան կամ գառնաբարոյ կինն :

8. Ի՞նչ առածներ ու խրատներ կ'-  
անդէ տնտեսական գիտութիւնն :

## ՄԱՍՆ Բ.

### ԱՐՏՍԻՆ ԱՇԽԱՏՈՒԹԻՒՆՔ

#### 9. Մարդու թիւն .

Տնարար կնոջ կամ աղջկան մ'առաջին  
գործն է ամեն առաւօտ խնամով աւլել  
տանն ամեն կողմը , մասնաւորապէս գոր-  
ծածուած սենեակներն ու տեղերը : Բայց  
նախ կը բանայ դռներն ու պատուհան-  
ներն , որպէս զի տան մէջի օդը նորո-  
գուի : Աւլելէն յետոյ կը սպասէ քիչ մը ,  
որպէս զի օդին մէջ ծաւալած փոշիները  
վար իջնեն , տեղաւորին , յետոյ ջնջանով  
կը սրբէ կահերն ու կարասիներն , եւ  
փետրաւելով փափուկ նիւթերը , զար-  
դերը , հայելիներն ու պատկերները :

Կահուց եւ կարասեաց վրայ գտնուած  
փոշիները թօթափելը (թոթվել) մխասա-  
կար է , վասն զի օդին մէջ ծաւալելով՝  
կրնան շնչառութեամբ մեր մարմնոյն մէջ  
անցնիլ եւ զանազան հիւանդութիւններ  
յառաջ բերել : Պ . Բասթէորի աշխատու-

թիւնք լիովին ապացուցած են արդէն  
թէ կարգ մը վտանգաւոր հիւանդու-  
թեանց սկզբնապատճառ են օդին մէջ  
գտնուած աննշմարելի մանրաճճիներ կամ  
միքրոպներ, որք չնշառութեամբ մեր  
մարմնոյն մէջ մտնելով՝ մինչեւ իսկ կը  
մահացունեն զմեզ: Միթէ այս կերպով  
չե՞ն ծաւալիր սովորաբար համաճարակ  
եւ տարափոխիկ հիւանդութիւնք: Այս  
պատճառաւ պէտք է միշտ ջնջանով սըր-  
բել կահուց եւ կարասեաց վրայի փոշի-  
ներն, որք այս կերպիւ բնաբարձ կը լի-  
նին՝ փոխանակ տեղափոխուելու:

Եթէ որմերը, դռները, պատուհան-  
ներն ու տախտակամաճները մաքրուելու  
պէտք ունին, տնարար կինը կամ աղջիկն  
աճառախառն գաղջ ջրով կը սրբէ որմե-  
րը, դռներն ու պատուհաններն եւ ա-  
պա խնամով կը չորցունէ: Իսկ տախտա-  
կամաճը մաքրելու համար՝ քիչ մը բա-  
րակ աւագ կը ցանէ, ջուր կը սրակէ եւ  
խոզանակով կը շփէ: ապա կը մաքրէ ջրով  
եւ կը չորցունէ ջնջանով: Այս գործո-  
ղութիւնը կատարած ժամանակ կը զգու-  
շանայ շատ ջուր գործածելէ, մանաւանդ  
վերի յարկերուն մէջ, որպէս զի ջուրերը

տախտակամաճին յօդուածներէն ներս  
սպրդելով չմնասեն տակի ձեղուններուն  
եւ միանգամայն խոնաւութիւն չար-  
տադրեն:

Աւելու գործն աւարտելէ յետոյ, ջու-  
րի շիշերն ու անօթները կը լցունէ, ան-  
կողինները կը յարդարէ եւ կահերն ու  
կարասինները կը տեղաւորէ: Ապա կ'իջնէ  
խոհարանն եւ նախաճաշի պատրաստու-  
թեամբ կը զբաղի: Իւր ուշադրութեան  
գլխաւոր առարկաններէն մին է խոհա-  
րանի անօթներուն ու պղինձններուն,  
ինչպէս նաեւ կերակրոց սպասներուն կա-  
տարեալ մաքրութիւնն:

Նոյն փութեաջանութեամբ եւ խնամով  
կը կատարէ կամ կը մասնակցի լոււացքի,  
կտաւեղինաց յարդարման եւ պահպան-  
ման, ինչպէս նաեւ պարտիզին եւ հաւ-  
նոցին մաքրութեան վերաբերեալ աշխա-  
տութեանց:

Ասոնցմէ զատ դեռատի տնարարն ա՛յն-  
պիսի ծանօթութիւններ ստացած է ուս-  
մամբ կամ իւր մօր օրինակաւ, որք կա-  
տարեալ մաքրութեան հետ միանգամայն  
տանը վայելչութեանն ու բարեզարդու-  
թեան կը նպաստեն, եւ ակնահաճոյ կեր-

պարան մը կուտան ամենէն անշուք կամ  
աննշան իրերու:

### 10. Խնամ կահուց եւ կարասեաց.

Տանտիկնոջ կամ տնարարի պարտակա-  
նութիւններէն մին է տանը կահերն ու  
կարասինները մաքուր եւ վայելուչ վիճա-  
կի մէջ պահել, թէ եւ հինցած կամ հնա-  
ձեւ լինին:

Կահերն երեք թշնամի ունին, որք՝ ե-  
թէ զգուշութիւն չլինի՝ չուտով կ'եղծա-  
նեն ու կ'ապականեն զանոնք: Այս երեք  
թշնամիններն են՝ խոնաւութիւն, ջերմու-  
թիւն եւ անմաքութիւն:

Խոնաւութիւնն ոչ միայն մարդոց ա-  
ռողջութեան կը ֆլասէ, այլ եւ կարասի-  
ները, զգեստներն եւ այլ զանազան տե-  
սակ մթերները կը փաեցունէ: Քանի մը  
պատճառներէ յառաջ կուգայ, որոց գըլ-  
խաւորքն են տան մը չէնքին դիրքը,  
գործածուած շինուածանիւթոց յոռու-  
թիւնը, ձեղուններուն ցածութիւնը, պա-  
տուհաններուն նուազութիւնը, մանա-  
ւանդ նոր շինուած եւ գեռ լաւ չչորցած  
տուններն, որոց մէջ բնակիւը վտանգաւոր

խոկ է: Ուստի տուն մը գնելու կամ վար-  
ձելու ժամանակ լաւ ուշադրութիւն պէտք  
է ընել, որպէս զի խոնաւութիւն չունե-  
նայ. բայց եթէ հարկն ստիպած լինի,  
ամէն ջանք պէտք է ընել տանը սենեակ-  
ներն ու յարկերն այդ հարուածէն պահ-  
պանելու: Խոնաւ սենեկաց մէջ, զորս  
լաւ մը տաքցունել պէտք է խոնաւ կամ  
ցուրտ օդ երու ժամանակ, կահերն ու  
կարասինները պատէն քիչ մը հեռի պէտք  
է պահել, որպէս զի օդը կարենայ շրջա-  
բերիլ: Վերնայարկի սենեակները բնա-  
կանաբար նուազ խոնաւութիւն ունենա-  
լով, հանդերձեղէններն ու կտաւեղէն-  
ներն անդ պէտք է պահել չոր որմազա-  
րանաց կամ պահարանաց մէջ:

Կահերը, մանաւանդ դրուագեալները,  
վառարանէն հեռի պէտք է պահել, ինչ-  
պէս նաեւ արեւուն ձառագայթներէն  
պատսպարել, վասն զի սաստիկ ջերմու-  
թիւնը կը լուծէ դրուագներուն մածն,  
եւ ուռոյցներ ու ձեղքեր կը գոյացունէ  
նոցա վրայ, նմանապէս կ'եղծանէ կա-  
րասեաց եւ կերպատուց գոյնները:

Կարասեաց ապականիչ են նաեւ ձան-  
ձերն ու փոշին, տնական երկու թշնա-

միք , յորոց զերծ մնալ դժուարին է :  
Ճանձերն անթիւ սեւ բիծերով կը ծած-  
կեն այն ամեն բան՝ որոց վրայ կանգ առ-  
նուն : Զանոնք ջնջելու միջոցն է՝ ճան-  
ճասպան կոչուած փոքրիկ վանդակը կամ  
ապակին , ուր ճանձերը մտնելէ յետոյ  
չեն կրնար դուրս ելնել : Բայց ամենէն  
լաւագոյն կամ արմատական միջոցն է՝  
պատուհանները ծածկել ամենանուրբ մե-  
տաղեայ վարագուրով , որ ոչ օդը կ'ար-  
գելու , ոչ լոյսը , բայց չթողուր որ ճան-  
ճերն ու մժղուկները ներս մտնեն :

Իսկ փոշին համար ուրիշ դեղ չկայ ,  
բայց միայն փետրաւելով , ջնջանով կամ  
խոնաւ սպունգով սրբել : Դիտուած է  
թէ , այն սենեկաց մէջ , ուր վառարանի  
ծխնելցյալ լաւ կը քաշէ ; եւ ուր աւլե-  
լու ժամանակ դռներն ու պատուհանները  
բաց կը թողւին , փոշի շատ շգանուիր :

Զրդեղեալ կահերուն փայլը նորոգելու  
համար՝ պէտք է բուրդէ կամ կակուղ  
մորթէ ջնջան մը թաթխել կտաւատի իւ-  
ղէ ու գոհոլէ<sup>(1)</sup> խառն բաղադրութեան  
մէջ , եւ անով շփել կահերն :

(1) Ալրօլ կամ էսրոփ Տը վէն :

Իսկ յդկեալ կահուց փայլը նորոգելու  
համար՝ պէտք է բեւեկնիւղի<sup>(1)</sup> մէջ հա-  
լած մեղրամոմով եւ ասուեկտաւի<sup>(2)</sup> կտո-  
րով մը շփել :

Կահերուն վրայի մարմարեայ տախ-  
տակները մաքրելու համար պարտ է պո-  
տասախառն ջրով սրբել , յետոյ բեւեկն-  
իւղի մէջ հալած մեղրամոմով եւ ասուե-  
կտաւով շփել : Պէտք է զգուշանալ մար-  
մարներուն վրայ լեմնի շերտեր դնելէ  
կամ այլ թթուներ թափելէ , որովհետեւ  
սոցա պատճառած բիծերն ու արատները  
ջնջել անհնարին է :

Հայելիները մաքրելու համար՝ պէտք է  
սրբել ջուրի եւ քիչ մ'ալ օղիի մէջ թաթ-  
խուած սպունգով . յետոյ , այսինքն չոր-  
նալէն վերջը , կակուղ մորթով մ'եւ ա-  
մենանուրը կաւիճով շփել :

Գորդերը մաքրելու համար պէտք է  
նախ լաւ մը հարուածելով թօթափել  
փոշիներն եւ ապա ջրախառն եղնալեղ-  
ով սրբել :

Մետաղեայ կամ պլնձէ նիւթերն , ինչ-  
պէս են դրանց խնձորները , վառարանաց

(1) Էսանս Տը թէրէպանթին : (2) Ֆանէլա :

պղնձի տամստակներն ու շրջանակները, հնչակներն եւայլն, մաքրելու եւ փայլեցունելու համար՝ պէտք է տրիպուեան կաւով չփել. իսկ երկաթէ կամ պողպատէ նիւթերն յդկիչ թուղթով։

Անկողինք՝ կարասեաց ամենակարեւոր մասն են, բայց դիւրին է նոցա խնամքն ։ Ամեն օր պէտք է յարդարել, տակնիվերայ դարձունել եւ օդին ներկայել։

## 11. Խնամ աճօթոց խոհարանի եւ կերակրական սպասուց.

Խոհարան մը պարտի օդաւէտ եւ լուսաւոր լինիլ. վառարանն ու փուռերը պարտին լաւ բանիլ. եթէ վառարանը միայ, ոչ միայն խոհարանին մէջ կենալն անտանելի կը լինի, այլ եւ կարելի չփնիր մաքուր պահել զայն. պատերը, պատուհաններուն ապակիներն ու ամաները կը սեւնան եւ քիչ ժամանակի մէջ կ'ապականին ու կը փտին. փուռերն ալ, այսինքն վառարանի ծակերն ալ, պէտք է չափաւոր մեծութիւն ունենան եւ մուխը լաւ քաշեն, վասն զի եթէ չափէն ա-

ւելի մեծ լինին, ածուխ շատ կը սպառեն. եւ եթէ լաւ չքաշեն, ածուխին չոգին կամ հոտը կերակուրներուն եւ տան յարկերուն մէջ կը ծաւալի։

Խոհարանին մէջ ամեն տեղէ աւելի մաքրութիւն պարտի տիրել, ոչ միայն բարեկարգութեան՝ այլ եւ առողջապահութեան տեսակէտով։ Անխնամ թողուիլն՝ այլ եւ այլ անպատեհութիւններէ զատ՝ վտանգ ալ ունի. վասն զի խոհարանին կամ անօթներուն անմաքրութիւնը, կերակրոց համն աւրելէ զատ, բովանդակ ընտանեաց առողջութիւնն ալ կրնայ վտանգի մէջ ձգել։

Խոհարան մը պարտի յաճախ լուացուիլ աւելով ու ջրով, ամսոն ամեն օր, իսկ ձմեռը շաբաթին երկու կամ երեք անձմեռը շաբաթին երկու կամ երեք անձմեռը գամ։ Խոհարանի անօթոց լուացարանը կամ տաշը միշտ մաքուր պարտի լինիլ. ամեն օր պէտք է լուալ եւ չփել տաք ջրով ու աճառով։

Երկաթէ վառարաններն ալ պարտին յաճախ քերուիլ ու մաքրուիլ. զանոնք փայլեցունելու համար պէտք է նախ չփել հում սոխով, յետոյ կապարաքարի փոշիով խողանակել։

Խոհարանին սեղաններն ու տախտակներն ալ յաճախ պէտք է լուալ գաղջրոյ մէջ հալած աճառով:

Երբ խոհարանի աշխատութիւնք աւարտին, պէտք է բոլոր պատուհանները բանալ, որպէս զի օդն ամբողջապէս նորոգի եւ բնաւ հոտ չմնայ:

Կերակուր եփելու անօթներն, այն է սաներն, ամեն օր պէտք է աչքէ անցունել, եւ եթէ տեսնուի որ կարմրիլ կը սկսին, անմիջապէս անագել տալ: Բնտանեաց առողջութիւնն անկէ կախումն ունի. մանաւանդ որ, եթէ այդ անօթք կատարելապէս մաքուր չինին, կարելի չէ համեղ կամ լաւ կերակուր մ'եփել նոցա մէջ: Սովորաբար պղնձէ անօթներուն դուրսի կողմը մաքրելու համար տրիպոլեան կաւով<sup>(1)</sup> խառն քացախս կը գործածուի. մէջի կողմը մաքրելու համար ալ նուրբ աւագ: Երկաթէ անօթք մոխրախառն ջրով կը շփուին:

Սեղանի անօթներն, այն է պնակներն, սկաւառակներն ու սպասներն աճառախառն տաք ջրով կը լուացուին. բայց պէտք է քանի մ'անգամ լուալ, որպէս

(1) Թրիբոլի:

զի կատարելապէս մաքրուին եւ ճենճի հոտ չմնայ նոցա վրայ: Ասկէ զատ, պէտք չէ հետեւեալ աւուր թողուլ սեղանի անօթներուն լուացումը, վասն զի նոցա վրայ փակած նիւթերը՝ չորնալէն յետոյ՝ բառնալն աւելի դժուարին է:

Դանակները խորունկ ամանի մը մէջ պէտք է լուալ, որպէս զի միայն հատուերկաթը թրջի եւ ոչ փղոսկրէ կամ փայլուն մետաղէ կոթն, որ կընայ տաք ջուրին մէջ վնասիլ:

Սրծաթեայ սպասներն եւ առհասարակ արծաթեղինները մաքրելու համար՝ ծեծուած եւ ջուրի կամ մանաւանդ գոհովի մէջ հալած սպանիական կաւիճով<sup>(1)</sup> պէտք է շփել. յետոյ, երբ չորնան, կակուղ մորթով կամ բարակ վրձինով լաւ մը սրբել:

Գինւոյ շիշերը կամ սրուակները ջուրի մէջ ածխափոշիով կը մաքրուին: Եթէ շատ լինին, կատասայի մը մէջ կը դրուին մոխրախառն ջրով եւ կ'եփուին. ապա վար կ'առնուին եւ պաղելէ յետոյ կը լուացուին:

Ջուրի շիշերուն մէջի կողմը մաքրելու

(1) Պլան Տէսքայն:

համար՝ պէտք է քիչ մը բարակ աւազ,  
հաւկթակեղեւի կտորուանք եւ պարզ  
ջուր լնուլ նոցա մէջ եւ տատանել. ապա  
լուալ պաղ ջրով:

Սպակեայ եւ բիւրեղեայ անօթները  
պաղ ջրով պէտք է լուալ կամ մաքրել,  
աւելի փայլ եւ պայծառութիւն կը ստա-  
նան: Նոյնը պէտք է ընել նաեւ ջրդեղ-  
եալ ափսէներու համար, զորս չորնալէ  
յետոյ մետաքսեայ մաքուր թաշկինակով  
մը պէտք է չփել:

Կանդեղներն առաւօտները պէտք է  
մաքրել, պատրոյգները կտրել եւ ձէթ  
կամ քարիւղ լնուլ նոցա մէջ: Այս գոր-  
ծը պէտք չէ իրիկուան թողուլ եւ ճրա-  
գի լրսով կատարել, որ կրնայ վտանգ  
պատճառել:

Կանդեղներուն մարմինն, եթէ պղինձ  
է, շաբաթը միանգամ տրիառուեան կա-  
ռով պէտք է չփել, նոյնպէս պղինձ  
աշտանակներն եւ ստեղնաւոր ճրագա-  
րաններն: Իսկ կանդեղներուն ապակի-  
ները կալաքարով<sup>(1)</sup> խառն տաք ջուրի  
մէջ պէտք է լուալ:

## 12. Լուացք կտաւեղինաց եւ արդիում.

Կտաւեղինաց լուացքն առտնին տնտե-  
սութեան ամենակարեւոր մասերէն մին  
է: Լաւ տնարարը գիտէ որ անմաքուր  
կամ անխնամ կտաւիք շուտ կը հիննան,  
մանաւանդ եթէ երկար ժամանակ ան-  
լուայ մնան. այս պատճառու յատուկ  
խնամ կը նուիրէ լուացքի եւ պահպան-  
ման կտաւեղինաց:

Լուացքի մէջ գործածուած նիւթերուն  
(ջուր, աճառ, մոխիր եւայլ) լաւութիւ-  
նը կարեւոր պայման մ'է լուացքին յա-  
ջողութեան:

Չուր. — Լուացքի համար գործածուած  
ջուրն անուշ պարտի լինիլ, անձրեւի կամ  
աղբիւրի ջուր, որպէս զի աճառը շուտով  
հալի կամ գրիրի. Եղի կամ հանքային  
նիւթեր պարունակող ջուրերը լաւ չեն  
լուացքի համար. բայց՝ ի հարկին՝ կրնան  
բարոքիլ մոխիրով կամ պոտասով:

Թորում. — Լուացքի առաջին եւ ա-  
մենակարեւոր գործողութիւններէն մին  
է թորումը:

(1) Սուս կամ սօսա:

Մեծ տաշտ մը կը դնեն եռոտանիի մը վրայ, աղտոտները մէջը կը դիզեն, մանրերը տակը, մեծերը վրան. յետոյ հաստ լաթ մը ծած կելով, բարակ մոխիր կը ցանեն եւ ապա տաք ջուր կը թափեն վրան, որ մոխիրին եւ հաստ լաթին մէջէն անցնելով տաշտին մէջ կ'իջնէ : Այն ջուրը տաշտին մէջէն առնլով, նորէն կը տաքցունեն եւ վրան կը լցունեն : Այս գործողութիւն կը շարունակուի երկար ժամերով եւ գիշերը կը թողուի : Հետեւեալ առաւօտ, կը հանեն լաթերը տաշտէն եւ հետզհետէ կը լուան տաք ջրով ու աճառով :

Բարակ կամ նուրբ կտաւիք սովորաբար չեն ենթարիիր թորման, այլ միայն տաք ջրով ու աճառով կը լուացուին :

Եւ որովհետեւ լուացքէ ելած կտաւեղէնք թեթեւ դեղնութիւն մը կ'ունենան, զայս անհետացունելու համար քիչ մը լեզակ կը խառնեն պաղ ջուրի մէջ, եւ լուացուած կտաւիքն այն ջուրէն կ'անցունեն :

Արդինում. — Լուացեալ կտաւեղինաց չորնալէն զինի, անոնցմէ ոմանք, որ գործէն կը գործածուին կամ տեսանելի

են, պարզապէս կ'արդնուին . ոմանք ալ, գլխաւորապէս արանց շապիկներուն կուրծերը, թեւնոցներն ու կեղծօձիքներն արդնելու համար, նախ պաղ ջրով հալած ուլայի մէջ կը թաթխեն, չոր լաթի մէջ կը փաթթեն, եւ պահ մը յետոյ կ'արդնեն : Արդնումը կը կատարուի լաթով ծածկեալ լայն տախտակի մը վրայ, գետնէն բաւական բարձր, որպէս զի արդնողը չծոի : Արդնուկը մաքուր պէտք է լինի, ոչ չափէն աւելի տաք, որպէս զի չխանձէ, ոչ ալ պաղ, որպէս զի արդնեալ ոսլայաւոր կտաւեղէնք կակուղ չմնան : Արդնելի կտաւեղէնք պարտին խոնաւ կամ քիչ մը թաց լինիլ, որպէս զի լաւ յղկուին :

Այս գործողութենէն յետոյ կտաւեղէնք կը ծալլուին եւ պահարանաց մէջ կը գետեղուին :

### 13. Խնամ կտաւեղինաց.

Կանոնաւոր ընտանիք մը պէտք եղածին չափ կտաւեղէն պարտի ու նենալ. ոչ խիստ շատ, որպէս զի երկար ժամանակ անգործածելի մնալով չփափին, ոչ

ալ յոյժ քիչ, որպէս զի յաճախ լուացուելով՝ շուտ չմաշին:

Ժիր տնարարն՝ ամեն լուացքէ յետոյ՝ մանրամասնաբար աչքէ կ'անցունէ կտաւելդնները, կը զննէ, լուսոյն կը բռնէ, քակուկներն ու մաշուկները կը կարկատէ կամ կը նորոգէ:

Կտաւեղէնք՝ կանոնաւորապէս գործածուելու համար՝ նշանագրոշմ եւ թուակամար պարտին ունենալ:

Հինցած կտաւեղինաց տեղ տարուէ տարի նորեր դնելով՝ նոցա թիւն ամբողջ կը մնայ միշտ:

Տանտիկնոյ կամ տնարարի մը կարողութեան ապացոյց է կտաւեղինաց պահարանին բարեկարգութիւնը:

Կտաւեղէնք պարտին կանոնաւորապէս ծալլուիլ եւ թուահամարի կարգաւ զետեղուիլ ըստ տեսակին, լուացքէ նոր ելածները տակը, որպէս զի չգործածուին անմիջապէս:

Եթէ տեղը ներէ, կտաւեղինաց մէն մի տեսակը զատ գարակի վրայ պէտք է զետեղել, եւ հին լաթով մը ծածկել, որպէս զի չփոշոտին:

Բարեկարգութիւն սիրող տանտիկինը՝

կտաւեղինաց ցանկը կը չինէ, եւ պահարանին մէջ դնելով՝ մերթ ընդ մերթ աչքէ կ'անցունէ:

Հինցած կտաւեղէնք մէկ կողմ կը գըրուին, հիւանդութիւն մը պատահած ժամանակ գործածուելու կամ այլ եւ այլ պիտոյից ծառայելու համար:

#### 14. Խնամ զգեստուց.

Աղջիկ մը լաւ տնարար կամ տանտիկին լինելու համար պարտի՝ մաքուր եւ վայելուչ հագուստիլ գիտնալէ զատ՝ ծանօթ լինել նաեւ զգեստուց եւ կերպասուց աղտերն ու արատներն հանելու միջոցներուն:

Երբ քաշմիրէ կամ մերինողէ շրջազգեստ մը գործածմամբ աղտոտի, հարիւր տրամի չափ Փանամայի փայտ կամ կնիւն (1) կը դրուի պաղ ջրոյ մէջ, ուր քսան-չորս ժամ կը մնայ: Յետոյ այն ջուրն ուրիշ ամանի մը մէջ թորելով, հետը տաք ջուր կը խառնուի, որպէս զի շրջազգեստն ամբողջապէս թրջի: Այն ջրով լաւ մը լուա-

(1) Պօա Տը Փանամա:

ցուելէ յետոյ , առանց ոլորելով քամելու՝ կը փոռի եւ խոնաւ զիճակի մէջ կ'արդնուի հակառակ կողմէն :

Արաժ մումի եւ իւղի . — Երբ մոմ կաթէ գգեստի վրայ , պէտք է նախ եղունգով քերել կարծր մասն . յետոյ մետաքսէ թուղթի մը ծայրը տարածել արատին վրայ եւ յոյժ տաք երկաթ մը քանի մը անգամ քսել վրան՝ տեղափոխելով թուղթը քանի որ իւղը ծձէ : Այսպէս կ'անհետի արատն :

Իսկ իւղի , ձէթի , ջրդեղի , նկարի եւ խայծղանի արատները չնշելու համար գոհով կամ եթերով խառն բեւեկնիւղ կը կաթեցունեն նոցա վրայ , եւ սպունգով մը կը չփեն թեթեւապէս . ապա մաղած նուրբ մոխիրով կը ծածկեն շփուած տեղերն , եւ պահ մը յետոյ մոխիրն հանելով կը խոզանակեն կերպասը :

Բուրդէ կերպասուց թեթեւ արատներուն համար եղնալեղի (1) կը գործածեն :

Արաժ մեշանի եւ ժանգի . — Եթէ մելանի արատները նոր են , աճառի ջրով կը լուան՝ բուսային նիւթերը զատելու հա-

(1) Ֆիէլ Տը պէօֆ :

մար . յետոյ երկաթի թթուածնատը (1) կը չնշեն՝ առատ ջուրի մէջ հալած ծծմբական կամ բլորաջրատական թթուով (2) : Սպիտակ վուշէ կամ բամբակէ կերպասուց համար թրթնջուկի աղ (3) կը գործածեն , արատեալ մասն եռացած ջրոյ շոգինն բռնելով : Սպիտակ կերպասուց ժանգը թրթնջուկի աղով կամ գինեմրուով (4) կը չնշեն :

Արաժ զինույ կամ պտղոց . — Երբ սեղանի վերաբերեալ կտաւեղէնք եւ այլք արատաւորին գինիէ կամ պտուղներէ , պէտք է ծրագու կամ ճարպաքսել արատներուն վրայ : Այս միջոցով արատները դիւրաւ կը չնշուին լուացքի ժամանակ :

Կերպասներու վրայէն գինույ կամ պըտղոց արատները չնշելու համար՝ պէտք է քանի մը կտոր ծծումբ վառել , ճագարի մը լոյն կողմովը ծածկել եւ կերպասին արատը նորա նեղ բերնին վրայ բռնել , յորմէ բղամած ծուխը կամ շոգին անմիջապէս կը չնշէ զարատն : Ուշագրութիւն

(1) Օրսիս Տը ֆէռ :

(2) Ասիս սիւլֆիւրիք :

(3) Սէլ Տ'օղէլ :

(4) Բուէմ Տը թառթր :

պէտք է միայն , որ կերպասը չոգիին շատ  
մօտ բռնելով չխանձի :

Բուրդէ զգեստուց արատներն՝ ինչպէս  
նաեւ վերարկուաց օձիքներուն եղը կա-  
տարելապէս կը մաքրուին ջրախառն բը-  
նակնդրուկով<sup>(1)</sup> կամ անուշադրակով<sup>(2)</sup> :  
Աղոստած կամ եղոտած մասերն այս  
խառնուրդով շփելէ յետոյ՝ դանակի մը  
կրնակով պէտք է քերել : Այս գործո-  
ղութիւն քանի մ' անդամ կը կրնուի մին-  
չեւ որ դանակին կրնակը չկրնայ աղտ  
հանել : Ապա պաղ ջրով կը լուան եւ չոր-  
նալէն յետոյ կը խոզանակեն :

Ասուեկտաւը կը քաշուի եւ կը կարծ-  
րանայ երբ լուացուի տաք ջրով ու ա-  
ճառով : Այս անպատճութեան առաջն  
առնլու համար՝ հետեւեալ միջոցը կը  
գործածեն : Աճառախառն գաղջ ջուրի  
մէջ անուշադրակի հեղուկ կը խառնեն  
մէն մի լիտր ջուրի համար մէկ տալուրի  
գրգալ : այն ջուրին մէջ կը թաթիւեն ու  
կը թողուն ասուեկտաւը 12—14 ժամ :  
Ապա գաղջ ջրով կը լուան եւ ստուերի  
մէջ փոելով կը չորցունեն :

(1) Պէնզին :

(2) Ալբալի վոլաթիլ :

Մորթէ ձեռնոցները մաքրելու համար ,  
պէտք է ձեռքն անցունել եւ բնակրնդ-  
րուկի իւղով լուալ . երբոր մաքրուին ,  
օդին ներկայելով չորցունել որպէս զի  
հոտը ցնդի . կամ բարակ կաւով շփել եւ  
յետոյ ասուեկտաւով սրբել : Երբ կաւի  
հետք չմնայ , վերստին շփել սպանիական  
կաւիճով՝ եթէ ձեռնոցներն սպիտակ են ,  
եւ ցորենի թեփով՝ եթէ գունաւոր են :

Սանտրելն ու մազի եւ զգեստուց խո-  
զանակները մաքրելու համար , պէտք է  
քիչ մ' անուշադրակով խառն ջրոյ մէջ  
թունել քանի մը ժամ : յետոյ պարզ ջրով  
լուալ եւ չորցունել :

### 15. Խանագործութիւն .

Տան մը ներքին խաղաղութիւնն ու  
քարօրութիւնը շատ անդամ կերակրոց  
լաւ պատրաստութենէն եւ ճաշերու կա-  
նոնաւորութենէն կախում ունենալով ,  
տանտիկնական գլխաւոր պարտականու-  
թիւններէն մին է խահագործութիւնն .  
հետեւապէս աղջկունք պարտին կանու-  
խէն վարժուիլ այդ կարեւոր գործին :

Խահագործութիւնը խնամոց եւ ման-

բամասնութեանց գիտութիւն մ'է : Ամենափոքր անուշադրութիւն մը կրնայ պատուական կերակուր մ'անուտելի կամ նողկալի ընել : Կաւ չտապկուած կամ չխորված ձուկ մը , շատ խաշուած կամ ըստ բաւականի չխաշուած հաւկիթ մը , բանջարեղին մը , աղի կամ անլի կերակուր մը , ծուխ հոտող թան մը , վերջապէս աւերուած կամ փտած նպարք՝ ճաշի մը պատուհան են , յորմէ լաւ տնարարք գիտեն զերծ մնալ իրենց փորձառութեամբն եւ ուշադիր հոգածութեամբ :

Բարեկարգ տուն մը պարտի նաեւ պահածոյ նպարեղիններ ունենալ , այն է ապուխտներ , երշիկներ , աղածոյններ , թըթուուտներ , աղկերներ , ինչպէս նաեւ անուշներ , ուուպեր , շաքարով եփուած պատղներ , որք յոյժ ախորժելի ուտելիք մ'են ամեն սեռի եւ հասակի համար , մանաւանդ ձմեռն , յորում թարմ պտուղք հաղուագիւտ են :

Գոհութեամբ կրնամք ըսել թէ Հայոց տիկնայք ընդհանրապէս քաջահմուտ են , ինչպէս ամեն տնային գործոց , նոյնապէս եւ պահածոյ նպարեղինաց պատրաստութեան , հետեւապէս այս մասին ալ լա-

շագոյն ուսուցիչներն են կամ կրնան լինիլ իրենց աղջիկ զաւակաց :

Վերջին ժամանակներս մրգօղի շինելու սովորութիւնն ալ ընդհանրանալու վրայ է Հայոց տուններուն մէջ :

Մրգօղին քաղցրողիններուն <sup>(1)</sup> գործը կը տեսնէ առաւել հաձելի կերպիւ . պատրաստութիւնն ալ առաւել գիւրլին է : Սովորաբար բալով , ծիրանով , սալորով եւ նարնջով կը շինուի : Բալով շինելու համար՝ պէտք է մէկ լիար ֆրանսական օղիի <sup>(2)</sup> մէջ 50 տրամ շաքարի ուուպ խառնել եւ 150 տրամ բալի վրայ լնուլ . յետոյ քանի մը չոր մեխակ եւ քիչ մ'ալ կինամոն նետել մէջը : Սոյն համեմատութիւն կրնայ կրնուել եւ բազմապատկիլ ըստ կամս : Սակայն բալը քիչ հասուն պարտի լինիլ , եւ կոթերն ալ պէտք չէ հանել , այլ միայն կարել կիսով : Իսկ ծիրանով կամ սալորով շինելու համար , պէտք է ուզուած քանակութեամբ ծիրան կամ սալոր առնուլ ոչ յոյժ հասուն , հաստ ասեղով մը ծակել մինչեւ կուտն , եփ ջուրի մէջ ձգել եւ անմիջապէս յետոյ

(1) հրսիր :      (2) Քոնեար :

հանել մեծ դրդալով կամ պարզուտով  
եւ պաղ ջուրի մէջ ձգել։ ապա հանել,  
մաղի մը վրայ ցամքեցունել, լայնբերան  
սրուակի մը մէջ շարել եւ շաքարառու-  
պով խառն ֆրանսովի լուս վրան մինչեւ  
որ պտուղները ծածկուին։

### 16. Ջեռուցումն եւ լրտաւորումն.

Ջեռուցման համար գործածուած վա-  
ռելի նիւթոց ընտրութիւնը կը տարբերի  
ըստ տեղեաց։ Ամենէն սովորականն է  
փայտն, որ լաւ կը վառի, բայց մեծ ջեր-  
մութիւն չձաւալեք։ Հանքային ածուխը  
կամ գետնածուխը փայտէն առելի շահա-  
ւոր է, վասն զի առաւել թեթեւագին է  
եւ առաւել ջեռուցիչ, բայց ծուխ եւ հոտ  
ծաւալելու անպատեհութիւնն ունի ։  
Գետնածխակին (1) որ հանքային ածխոյ  
մնացորդն է՝ մերկացեալ իւր հեղուկ եւ  
կազային յատկութիւններէն, հոտ չու-  
նի, թեթեւագին է եւ բաւ ական ջեռու-  
ցիչ, բայց գժուարաւ կը վառի եւ շու-  
տով կը մարի։ Բաղաքաց մէջ շատ տու-

ներ կազ կը գործածեն ջերմութեան ինչ-  
պէս նաեւ կերակրոց ոմանց եփման հա-  
մար. կիրառումն ալ հեշտ է եւ խնայո-  
ղական, բայց գործածելու կերպերը պէտք  
է գիտնալ, որպէս զի վտանգ չպատահի։

Ջերմութեան գործիներն ալ կը զանա-  
զանին ըստ տեղեաց։ Անտառային երկ-  
րաց մէջ փայտ կը վառեն որմային վա-  
ռարաններու մէջ։ Այս ձեւով ջեռուցու-  
մը գուցէ առաւել զուարձալի լինի, բայց  
սուզ կ'ելնէ եւ շատ չտաքցուներ։

Հանքածխոյ եւ գետնածխակի համար  
լաւագոյն գործիները շարժուն վառա-  
րաններն են երկաթէ կամ խեցիէ։ Մեծ  
տուններու կամ հանրային չէնքերու մէջ  
ջերմաբաշխ կը գործածեն, այն է՝ ահա-  
գին մեծութեամբ վառարան, որ տանն  
ամեն կողմը ջերմութիւն կը ծաւալէ ծա-  
ծուկ խողովակներու միջոցաւ։

Ածուխի անխողվակ կամ անծխնելոյզ  
կրակարանները վտանգաւոր են, որով-  
հետեւ ածուխին անհարեր կազերը գուրս  
ելնելու միջոց չունենալով՝ սենեակին մէջ  
կը մնան։

Վառարան մը ծուխը լաւ քաշելու հա-  
մար՝ պէտք է որ խողովակները տունէն

(1) Քոր։

բարձր ելած լինին, եւ դռներէն ու պատուհաններէն քիչ մ'օդ բանի :

Հուսաւորման համար ժամանակաւ հասարակ ճարպէ ճրագ կը վառէին ընդհանրապէս : Բայց այժմ զտեալ բնածարպէ մոմ կը վառեն, որ առաւել մաքուրէ, քիթը կտրելու պէտք չունի, եւ դիննալ բարձր չէ :

Համարմաներու կամ կանդեղներու համար ալ ձէթ կամ ուրիշ բուսական իւղեր կը գործածուէին ժամանակաւ . բայց այժմ քարիւղի գործածումն ընդհանրացած է՝ առաւել թեթեւագին եւ միանգամայն առաւելլուսատու լինելուն պատճառաւ :

Այս առաւելութեամբք հանդերձ, քարիւղն յոյժ գիւրավառ լինելով՝ վերջին աստիճան վտանգաւոր է եւ յաճախ արկածներու առիթ կը լինի՝ գրեթէ միշտ անխոհեմութեան շնորհիւ : Արկածից առաջն առնլու համար պարտ է քարիւղի կանդեղները ցերեկ ժամանակ պատրաստել եւ մանկանց գիւրամատչելի չընել:

Անհիւթ կամ օդային կազով լուսաւորման սովորութիւնն ալ տակաւ կընդհանրանայ Եւրոպիոյ մէջ, յոյժ գիւրա-

գին լինելուն եւ առաւել պայծառ լոյս ծաւալելուն պատճառաւ . բայց սա ալ քարիւղին պէս մեծ զգուշութիւններ կը պահանջէ :

### 17. Հաւնոց.

Շատ տուներ, որք պարտէզ կամ բաց տեղ ունին, սովորաբար հաւ կը պահէն: Երկու բան պէտք է հաւ մնուցանելու համար . առաջին՝ հաւնոցը չոր ու օդաւէտ տեղոյ վրայ չինել՝ հարաւի կամ արեւելքի դէմ, ամեն կողմէ պատսպարելով, որպէս զի կուզերն ու միները վկաս չհասցունեն հաւերուն: Երկորդ՝ մաքուր պահէլ, եւ գոնէ տարին միանգամ մէջ թառերը ձերմկցունել կրով, որպէս զի հաւերը զերծ մնան հիւանդութիւններէ :

Հաւնոցին մէջ թառեր կը հաստատուին իրարմէ բաւական հեռի, որպէս զի հաւերն հանգիստ թառին . նոյնպէս ածարաններ կամ բոյներ, որպէս զի անդ երթան ածեն :

Հաւնոցը զատ մաս մը պարտի ունենալ թուխսի համար: Թխսամայր պէտք

Է ընտրել երեքէն հինգ տարեկան հաւ-  
երն, որոց կրնայ 15-20 հաւկիթ յանձ-  
նուկիլ ամենէն թարմ ու խոշօրներէն:

Հաւերն, եթէ ընդարձակ տեղեր չու-  
նին պարսելու, օրն երկու անգամ կեր  
պարտին ուտել. իսկ եթէ ունին, օրը  
մէկ անգամ կեր տալ կը բաւէ:

Նորածին վառեակները մասնաւոր խնա-  
մոց պէտք ունին. ի սկզբան հացի կամ  
կարծրապէս խաշած հաւկիթի փշրանք կեր  
կը տրուին, ապա կորեակ եւ յետոյ մանր  
ցորեն, ինչպէս նաեւ քիչ մ'ալ բանջա-  
րեղէն, որպէս զի զովանան:

Հաւերուն խմած ջուրն ալ մաքուր  
պէտք է լինի:

Սագն յոյժ օգտակար կենդանի մ'է.  
իւր պարարտ մսէն զատ՝ կակուղ փետուր  
կ'ընձեռէ անկողնոյ համար: Զափահաս  
սագերուն փետուրը տարին քանի մ'ան-  
գամ կրնայ առնուիլ: Սակայն շատա-  
կեր են:

Հնդկահաւու միսն յոյժ համել է բայց  
հաւնոցին մէջ զատ աեղ պարտի յատկա-  
նալ նմա: Էզը պատուական թիսող է.  
շատ անգամ հաւուց ձուեր կը յանձնեն  
նմա:

Հնդկահաւու ձագերն ալ մասնաւոր  
խնամք կը պահանջեն, զի կը վախնան  
ցուրտէ: Այս պատճառու ձմրան ցուրտե-  
րուն ժամանակ գինի կը խմցունեն նոցա:

Հնդկահաւուց լաւագոյն կերն է վար-  
սակ եւ թուխ ցորեն:

Երբ հաւերը լեզուի հիւանդութիւն-  
ունենան, որ զանոնք կ'արգելու ջուր  
խմելէ ու կարկաչելէ, պէտք է նոցա բե-  
րանը բանալ եւ լեզուին ծայրը գոյացած  
ձերմակ մորթն ասեղի ծայրով հանել,  
բարակ աղով չփել եւ քիչ մ'աղբորակ<sup>(1)</sup>  
խառնել նոցա խմած ջուրին մէջ, կամ  
վէրքին տեղը գինիով չփել եւ քանի մը  
կաթիլ ալ խմցունել:

18. Զգուշական միջոցք լնդդէմ հր-  
դեհի, վնասակար ննեաց եւ այլոց.

Հանքային իւղերը (բեթրոլի, թերթա-  
քարի, նաւթի) պէտք է պահել մետաղ-  
եռոյ անօթներու մէջ, բերաննին լաւ  
խցուած, եւ երեք պէտք չէ գործածել  
վառ ճրագի մօտ: Պայթման առաջն առնը-

(1) Սալբէթր:

լու համար՝ այնպիսի լամպար կամ կանդեղ պէտք է գործածել, որոյ պատրութակալը գոնէ երեք մատնաչափ բարձր լինի հեղուկին մակերեւութէն։ Ասկէ զատ, կանդեղը մարելու ժամանակ պէտք չէ պատրոյգը շատ վար իջուցնել, այլ միայն կապոյտ եւ առկայծ բոց մը միալու չափ, որ ինքնին կամ թեթեւ փրչմամբ կը մարի։

Այս իւղերուն բռնկած ժամանակ, ոչ թէ ջուր՝ այլ մոխիր կամ հող պէտք է լնուլ վրան, եւ կամ գորգերով կամ անկողնոյ հաստ ծածկոյթներով բոցերը խափուցանել, մինչեւ որ պէտք եղածին չափ մոխիր կամ հող հասնի։

Եթէ վառարանի մը ծխանը բռնկի, իսկոյն պէտք է փակել դռներն ու պատու հանները, վառարանին մէջի վառած փայտերն ու կրակը դուրս հանել, եւ թրջած հաստ սաւանով կամ բուրդէ ծածկութով մը խնուլ ծխանին բերանը։ Եթէ զտեալ ծծմբափոխ գտնուի տանը մէջ, ծխանին բերանը խցելէ առաջ քանի մը բուռ վառարանին կրակին մէջ նետել։ Ծծումբն անկիզելի կազ մ' արտադրելով կը մարէ ծխանին մէջի բոցերն։

Եթէ մէկու մը հանդերձը բռնկի, իսկոյն պէտք է գետինը պառկի, որպէս զի բոցերը վեր չենեն։ Այս կերպիւ շատ անգամ կը մարին բոցերն։ Հանդերձը բռնկած անձի մ' օգնելու համար՝ պէտք է ծածկութով կամ լայն զգեստով մը պատել զայն, եւ այսպէս մարել կրակը։

Ննջելու սենեակի մէջ գտնուած մը զուկները ջնջելու համար, երեկոյին՝ առանց ճրագի՝ պէտք է փակել այն սենեակին դռներն ու պատուհաններն։ յետոյ, պառկելէ քանի մը ժամ առաջ, գինիով հալած մեղր քսել ապակեայ կանդեղի մը ամեն կողմն, եւ տանիլ վառել այն սենեակին մէջ։ Մժղուկները՝ լրցը տեսնելնուն պէս՝ կ' երթան մեղրին կը կպչին եւ ոչ եւս կրնան թռչիլ։

Հայելիներու եւ պատկերաց ոսկեզօծ շրջանակները ճանճերուն աղտեղութենէն պահպաննելու համար, պէտք է պրասխաշել ջուրի մէջ, եւ պաղելէ յետոյ այն ջուրը շրջանակներուն քսել։ Ճանճերն ոչ եւս կը մօտենան նոցա։

Բուրդէ զգեստները, շալերն ու մուշտակներն ամառը ցեցէ եւ ուտիձէ պահպաննելու համար պէտք է, լաւ մը խո-

զանակելէ եւ թօթափելէ յետոյ , քափուրի փոշի ցանել նոցա վրայ , թանձրաքարտէ կամ փայտէ տուփերու մէջ դընել , եւ լաւ մը փակելէ յետոյ , նոցա կցուած տեղերը թուղթ փակցունելով գոցել , կամ , որ աւելի գործնական է , յաճախ աչքէ անցունել զանոնք , օդին ներկայել , եւ լաւ մը թօթափելէ զկնի՝ նորէն խնամով զետեղել իրենց տուփերուն մէջ :

### 19. Ասլինգործութիւն .

Ասեղը մեծ գեր կը կատարէ կնոջ կենաց մէջ . գրեթէ նորա սեփական տարրն է : Ասլան չնորշիւ , աղքատ աղջիկ մը՝ գործառուէի մը՝ կրնոյ պատուաւոր ապրուստ հայթայթել եւ տանտրկին մը կարեւոր խնայութիւններ ընել : Հարուստ կամ իշխանազուն տիկնանց եւ օրիորդաց համար ալ քաղցր զբաղում մ'է ասեղն . ոչ միայն դատարկակեցութեան ձանձրոյթէն կ'ազատէ զանոնք , այլ եւ առիթ կ'ընձեռէ նոցա իրենց ձեռաց փաստակով զաղքատներ միմիթարելու :

Ասեղն ամեն ժամանակ կանանց գլխա-

գոր զբաղումն եղած է : Վաղեմի քաղաքակրթեալ ազգաց , մասնաւորապէս Յունաց եւ Հոռմայեցւոց տիկնայք , իրենց հագուստներն իրենք կը կարէին , նոյնպէս իրենց արանց եւ որդւոց հանդերձները :

Մեծն Աղեքսանդր պարծանօք ցոյց կուտար իւր հանդերձները , զորս իւր քոյրերը կը կարէին :

Օգոստոս կայսր իւր կնոջ եւ աղջկանց կարած հանդերձները միայն կը հագնէր :

Ֆրանսացւոց Մարիամ Անթօանէթ դքժրաղը թագուհին , իւր երկարատեւ բանտարկութեան միջոցին իւր հանդերձներն ինք կը կարկտէր , եւ ո՞րչափ կ'օրհնէր զինքն , որ իւր աղջիկնութեան ժամանակ չէր արհամարհած ասղնեգործական աշխատութիւնները :

Գոհ եմք որ մեր վարժարանաց մէջ ասղնեգործութեան ուսումը պարտաւորիչ է աղջկանց համար , եւ ըստ կարի խնամ կը տարուի այդ կարեւոր ուսման : Նմանապէս գոհութեամբ կը տեսնեմք թէ Հայոց տիկնայք եւ օրիսրդք ընդ հանրապէս սիրող են եւ հմուտ ասղնեգործութեան , հետեւապէս կարօտ չեն մեր յորդորանաց , ոչ ալ հրահանգներուն :

Միայն թէ, իբր սկզբունք, հարկ է ասղնեգործութեան այլ եւ այլ ճիւղերուն կարեւորութեան աստիճանն որոշել, եւ ըստ այնու ուսուցանել մեր վարժարանաց մէջ:

Կարեւորութեան կարգաւ, աղջիկ տղայոց առաջին ուսանելիքը պարտի լինիւ ամեն տեսակ կար, սկսեալ ամենապարզէն եւ աստիճանաբար յառաջանալ մինչեւ ի յօրինումն կտաւեղինաց. անտի անցնիւ ի յօրինումն հանդերձից: Ասոնցմէ յետոյ պարտին գալ զարդուց կամ պերճանաց վերաբերեալ ասղնենկարք, որոց ընտիրներն, այսինքն ճարտար մատամք եւ նուրբ ճաշակաւ յօրինուածներն յարդ կը գտնեն միշտ եւ հետեւապէս ապրուստի շահեկան ազրիւր մը կրնան լինիւ:

### Հարցարան.

9. Ի՞նչ է տնարար կնոջ կամ աղջկան մ' առաջին գործն: — Ի՞նչ կ' ընէ աւլելէն վերջը: — Կարասիներուն վրայի փոշիները թօթափելն ի՞նչ հետեւանք կրնայ

ունենալ: — Ի՞նչպէս կը մաքրէ որմերը, դռներն եւայլն: — Ուրիշ ինչե՞ր կ' ընէ: — 10. Քանի՞ թշնամի ունին կահերն: — Ի՞նչ պէտք է ընել զանոնք մաքուր եւ վայելուչ վիճակի մէջ պահելու համար: — Ի՞նչ պէտք է ընել ճանճերը ջնջելու համար: — Ի՞նչ պէտք է ընել կահերուն փայլը նորոգելու համար: Ի՞նչ պէտք է ընել մարմարները, հայելիները, գորգերը, մետաղէ, պղնձէ եւ երկաթէ նիւթերը մաքրելու համար:

11. Խոհարանն ի՞նչպէս պարտի լինիւ: Ի՞նչ պէտք է խոհարանի մէջ: — Ի՞նչ պէտք է ընել խոհարանի աշխատութեանց աւարտէն յետոյ: — Ի՞նչ պէտք է ընել կերակուր եփելու անօթներուն համար: — Ի՞նչպէս կը մաքրուին: — Սեղանի անօթներն ի՞նչպէս կը մաքրուին: — Արծաթեայ սպասները, շիշերը, բիւրեգեայ եւ ապակեայ անօթներն ի՞նչպէս կը մաքրուին: — Կանդեղներն երբ պէտք է մաքրել եւ լնուլ: — Ի՞նչպէս կը մաքրուին:

12. Ի՞նչ է լուացքն: — Ի՞նչ կը գործածուի լուացքի համար: — Ի՞նչ է թորումն, եւ ի՞նչպէս կը կատարուի: —

Հոււացքէ ելած կտաւեղինաց վրայ ի՞նչ  
գործողութիւն կը կատարուի : — ի՞նչ է  
արդնումն : — ի՞նչպէս կը կատարուի :

13. ի՞նչ խնամ պէտք է ունենալ կտա-  
ւեղինաց վրայ : — Բարեկարգութիւն սի-  
րող տանտիկինն ի՞նչ կ'ընէ կտաւեղինաց  
համար :

14. Աղջիկ մը լսւ տնարար կամ տան-  
տիկին լինելու համար ի՞նչ խնամ պարտի  
ունենալ զգեստուց վրայ : — ի՞նչ միջոց  
պէտք է գործածել քաշմիրէ կամ մէրի-  
նողէ շրջագգեստներ մաքրելու համար :  
— ի՞նչ պէտք է ընել մոմի , իւղի , ձէթի ,  
ջրդեղի , նկարի եւ այլ արատները ջնջե-  
լու համար : — ի՞նչ պէտք է ընել մելանի  
եւ ժանդի արատները ջնջելու համար :  
— ի՞նչ պէտք է ընել գինոյ կամ պլա-  
ղոց արատները ջնջելու համար : — ի՞նչ  
պէտք է ընել բուրդէ զգեստուց արատ-  
ներն եւ վերարկուաց օձիքներուն եղը  
մաքրելու համար : — ի՞նչպէս պէտք է  
լուալ ասուեկտաւն : — ի՞նչպէս պէտք  
է մաքրել ձեռնոցներն : — ի՞նչպէս պէտք  
է մաքրել ասնարերն եւ մազի եւ զգես-  
տուց խոզանակներն :

15. ի՞նչ է խահագործութիւնը : —

Տարեկարգ տուն մ'ի՞նչ նպարեղէններ  
պարտի ունենալ : — ի՞նչ է մրգողին : —  
ի՞նչպէս կը շինուի սովորաբար :

16. ի՞նչ են ջեռուցման համար գոր-  
ծածուած վառելի նիւթք : — Ոյք են  
ջերմութեան գործիներն : — Վառարան  
մ'ե՞րբ լսւ կը քաշէ ծուխը : — Լուսա-  
ւորման համար ի՞նչ կը գործածուի : —  
Ոյք են լուսաւորման գործիներն :

17. Հաւնոցն ի՞նչպէս պէտք է շինել :  
— ի՞նչ պէտք է հաւնոցին մէջ : — Օրը  
քանի՞ անգամ կեր կը տրուի հաւերուն :  
— Նորածին վառեակներուն ի՞նչ կեր կը  
տրուի : — Սագն ի՞նչ յատկութիւն եւ  
օգուտ ունի : — Հնդկահաւան ի՞նչ յատ-  
կութիւն ունի : — ի՞նչ կեր կը տրուի  
հնդկահաւուց եւ նոցա ձագերուն : —  
ի՞նչպէս կը դարմանուի հաւերուն լեզուի  
հիւանդութիւնն :

18. ի՞նչ զգուշական միջոցք կան հրդե-  
հի դէմ : — Հանքային իւղերուն բռնկած  
ժամանակ ի՞նչ պէտք է ընել : — Վա-  
ռարանի մէ ծիսանը բռնկած ժամանակ  
ի՞նչ պէտք է ընել : — Մէկու մը հան-  
դերձը բռնկած ժամանակ ի՞նչ պարտի  
ընել : — Ննջարանի մը մէջ գտնուած

մժղուկներն ի՞նչպէս կը ջնջուին : — Ի՞նչ  
պէտք է ընել հայելիներու եւ պատկե-  
րաց ոսկեզօծ շրջանակները ճանձերուն  
ազգեցութենէն պահպանելու համար :  
— Ի՞նչ պէտք է ընել բուրդէ զգեստ-  
ները շալերն ու մուշտակները ցեցէ եւ  
ուտիձէ պահպանելու համար :

19. Ի՞նչ է ասղնեգործութիւնն : —  
Ի՞նչ գեր կամ կարեւորութիւն ունի կա-  
նանց եւ աղջկանց համար : — Հին ժա-  
մանակի քաղաքակրթեալ ազգերն ի՞նչ  
կարծիք ունէին ասղնեգործութեան վրայ :  
— Ի՞նչ կարգ պէտք է բռնել ասղնե-  
գործութեան ուսուցման մէջ :



### ՄԱՍՆ Գ.

**ԾԱՆՈԹՈՒԹԻՒՆ ԱՌՈՂԶԱՊԱՀԱԿԱՆ  
ՍԿԶԲԱՆՑ ԵՒ ՀԻՒԱՆԴԱՊԱՀԱԿԱՆ  
ԿԱՆՈՆԱՑ**



### 20. Առողջապահութիւն.

Առողջութիւնը մարդոց ամենէն մեծ ,  
ամենէն թանկագին հարստութիւնն է ,  
առանց որոյ մեր կեանքն ոչ քաղցրու-  
թիւն կրնայ ունենալ , ոչ որ եւ է հրա-  
պոյր : Այս պատճառաւ ամեն ջանք պար-  
տիմք ի գործ դնել այդ անգին բարիքը  
ձեռքէ չհանելու եւ բաղձացեալ վիճակի  
մէջ պահելու համար :

Տարակոյս չմնար ուրեմն թէ առողջա-  
րանական ծանօթութիւնք անհրաժեշտ  
են ամեն բարեկիրժ մարդոց եւ մասնա-  
ւորապէս ընտանեաց մայր լինելու սահ-  
մանեալ աղջկանց համար :

Մայր մը , իւր զաւակաց նախնական

սնունդն հոգալու հետ՝ առողջութիւնն ալ խնամելու նուիրական պարտականութիւնն ունի։ Հետեւապէս պարտի ըստ բաւականի ծանօթութիւն ունենալ առողջաբանական կանոնաց՝ թէ՛ իւր անձին եւ թէ՛ իւր զաւակաց առողջութիւնն ու կեանքը պահպանելու համար։ Ո՞րչափ ծնողք, այդ ծանօթութենէն զուրկ գտնուելնուն պատճառաւ, ոչ միայն հիւանդութեանց դէմ հարկ եղած նախապահեստ զգուշութիւնները չեն կարող ի գործ դնել, այլ եւ հիւանդութիւն մը պատճած ծամանակ չեն կրնար կանոնաւորապէս խնամել, եւ շատ անգամ սխալներ իսկ գործելով՝ հիւանդին մահուան պատճառ կը լինին։ Օրինակները գրեթէ ամեն օր անպակաս են։

Արդ, ցուցնենք նախ այն պահպանողական եւ զգուշական միջոցներէն միքանին, որք առ հասարակ ամեն մարդոց եւ մասնաւորապէս մանկանց առողջութիւնը պահպանելու եւ հիւանդութեանց առաջն առնլու համար անհրաժեշտ են։

21. Պահպանողական միջոցք.

Ա. Բնակարան։ — Պէտք է խնամով հոգ տանիլ բնակարանաց մաքրութեան, օդաւէտութեան եւ չորութեան։ Անմաքրութիւնը, խոնաւութիւնն եւ օդի պակասութիւնն երեք մահացու թշնամիներ են առողջութեան։

Բ. Հանդերձ։ — Զգեստք եւ կտաւիք պարտին դիւրակրելի լինիլ, այսինքն ոչ շատ նեղ, որպէս զի չճնշեն չնշառութեան գործարանները, չարգելուն արեան շրջաբերումն, եւ հիւեւապէս ծընունդ չատն թոքի եւ սրտի հիւանդութեանց։ Նմանապէս պարտին եղանակաց յարմար լինիլ, այսինքն՝ ամառը զով եւ ձմեռը տաք պահող հասակներու ալ յարմար պարտին լինիլ։ Որրանի մանկունք առաւել մրսկոտ լինելով, աւելի լաւ ծածկուելու կամ տաք պահուելու պէտք ունին։ Շատեր այս տարրական զգուշութեանց ուշ չդրուելուն զոհ կ'երթան։ Սակայն քանի մեծնան, տակաւ առ տակաւ պէտք է վարժեցունել օդին փոփոխմանց, առանց զանց ընելու խո-

հետութեան պահանջած միջոցները :

Կտաւեաց, մանաւանդ շապկի յաճախ փոփոխումը (շաբաթը գոնէ երկու անգամ) կարեւոր պայման մ'է առողջութեան :

Դ. Կերակուրք: — Հնար եղածին չափ պարզ՝ բայց սննդարար պարտին լինել ըստ պահանջման հասակի, կազմուածի, կլիմայի եւ եղանակաց :

Կաթնկերութենէ դադարեալ տղայոց սնունդը մասնաւոր ուշադրութիւն կը պահանջէ: Պարտի բաղկանալ միսէ եւ ընդեղէնէ, առանց գրգռիչ համեմերու: Օրը չորս ձաշ, երկուքը թեթեւ, անհրաժեշտ են տղայոց համար: Պէտք չէ մոռնալ թէ տղայք չտիփահասներէն աւելի պէտք ունին սննդեան: Անբաւական սնունդը կը տկարացունէ զանոնք եւ զանազան հիւանդութեանց սկզբնաւիթ կը լինի:

Ապաքինելոց, ինչպէս նաեւ տկարակազմերու համար լաւագոյն սնունդ են եղան կամ ոչխարի արգանակն ու խորովածը, հաւու միսը, կաթն ու թերխաշ հաւկիթը:

Ամրան տաքերուն ժամանակ առաւել

թեթեւ պարտին լինիլ կերակուրք՝ քան օդին զով կամ ցուրտ եղած ժամանակ:

Զկանց մէջ ամենէն փափուկ եւ հետեւապէս դիւրամարսներն են ի կ. Պօլիս ժայռաձուկը (գայա), հարսնուկը (կէլիմնձիր), ասպարիկը (փիսի), արքայաձուկը (թէքիր):

Լաւ հասունցած պտուղք, երբ չափով ուտուին, օգտակար են, մանաւանդ դիւրամարսներն, ինչպէս ելակը, տանձի, խնձորի, թութի, բալի, խաղողի, թուզի եւ նարնջի ազնիւ տեսակները: Պէտք է զգուշանալ ամառնային թարմ պտուղներն առանց պաղ ջրով լրւալու ուտելէ, վասն զի կրնան ջերմ եւ թանչ պատճառել:

Կերակրոց կամ ուտելեաց զանազանութիւնն՝ ինչպէս նաեւ ձաշերու կանոնաւորութիւնն՝ ողջպահիկ պայմաններ են:

Դ. Ըմպելիի: — Զուրն առաջին եւ անհրաժեշտ ըմպելին է մարդոց: Լաւագոյն ջուրն ակի կամ աղբիւրի անուշ ջուրն է, որ զով, յստակ կամ վճիտ պարտի լինիլ: Պէտք է զգուշանալ գետի ջուրէ, մանաւանդ երբ քաղաքի մը մէջէ անցած:

Եւ ամեն տեսակ աղտեղութեանց ընդունարան եղած լինի : Նմանապէս պէտք է զգուշանալ անձրեւի ջուրէ , որ աղտեղի տանիքներու վրայէ վազած կամ կապարէ ու զինկէ խողովակներու մէջէ անցած լինի : Հալած ձիւնի ու սառոյցի ջուրերն ալ անյարմար են խմելու :

Զուրէն յետոյ օգտակար ըմպելի է գինին՝ պատշաճ չափով՝ ծերոց , ապաքինելոց եւ տկարակազմ անձանց համար : Քաջառողջ անձինք , մանաւանդ տղայք , պէտք չունին գինի խմելու :

## 22. Զգուշական միջոցն.

Հիւանդութիւնք կան , որոց առաջնառնուլ մեր ձեռքը չէ : Այս կարգէն են համաճարակ եւ տարափոխիկ հիւանդութիւնք , յորոց զերծ մնալու միակ միջոցն է հաղորդակցութենէ զգուշացում : Բայց կան ուրիշ բազում հիւանդութիւնք , զորս մեք մեր անխոհեմութեամբ կամ անզգուշութեամբ մեր վրայ կը բերեմք :

Եթէ մարդիկ ողջպահիկ կանոնաց յարգը ճանչեն եւ իրենց մարմնոյն հետ չարաշար չվարուին , բազում հիւանդու-

թիւններէ զերծ կը մնան եւ քաջառողջ ու երկար կեանք կը վարեն :

Արդ , պէտք է զգուշանալ .

Ա . Խոնաւ , ցած եւ օդ չբանող սենեկաց մէջ բնակելէ : Շատ հիւանդութիւնք , մանաւորապէս յօդացաւ , խոյլ եւ գընտակախտ , այդ տեսակ բնակարանաց մէջ ճարակ կը գտնեն :

Բ . Քրտնած միջոցին՝ գլուխը բանալէ , հովի մանաւանդ օդ ահոսանքի դէմ նստելէ կամ կենալէ , պաղ ջուր խմելէ , ձեռները պաղ ջուրի մէջ խոթելէ : Այս մասին եղած անզգուշութիւնք վերջին աստիճան վտանգաւոր են . թոքատապ , ցնցղատապ , ստամոքսի մկանց կծկում , արիւն թքնել եւ մինչեւ իսկ թոքախտ բնական հետեւանք են այդ անզգուշութեանց :

Ուստի , քրտնած անձ մը՝ ինքզինք չպաղեցունելու համար՝ պարտի չափիկը փոխել , կամ գոնէ քալել եւ շարժումներ ընել , որպէս զի քրտինքը չուտով չպաղի : Իսկ ծարաւը կամ պապակն անցունելու եւ զովանալու համար՝ պէտք է քիչ մը գինի , օդի կամ քանի մը կաթիլ սուրճ կամ չաքար խառնել ջուրին հետ , կամ

ջուր խմելէ սոռաջ՝ քիչ մը բան ուտել։  
իսկ եթէ սոքա պատրաստ չգտնուին,  
ջուրը քիչ եւ բերնին մէջ պահելէ  
ու տաքցունելէ յետոյ կուլ տալ։

Նմանապէս պարահանդէսներու կամ  
ընտանեկան համախմբութեանց մէջ պա-  
րելով քրտնող կամ տաքցող անձինք լաւ  
կ'ընեն զովարար ըմպելիներէ եւ սառու-  
ցակներէ առաջ թեթեւ թէյ մը կամ ու-  
րիշ որ եւ է գաղջ ըմպելի մ'առնուլ եւ  
այսպէս չէզոքացունել առաջիններուն  
վնասաբեր ազդեցութիւնն։

Գ. Ուսերն ու լանջերը բաց զգեստ  
հագնելէ, որ կնոջ եւ մանաւանդ տղջ-  
կան մը վայլած համեստութեան անպատ-  
շաճ լինելէ զատ՝ վտանգաւոր ալ է ։ փո-  
ղացաւ, ցնցղատապ եւ թոքատապ կրնայ  
պատճառել։

Դ. Յոյժ նեղ եւ նուրբ կօշիկներ հագ-  
նելէ, որ ոտքի մատները կոչտերով ու  
սոխերով՝ կը պատեն եւ անտանելի ցաւ  
ու տանջանք կը պատճառեն։ Ասկէ զատ,  
չկրնալով ոտքը չոր ու տաք պահել, ու-  
ղեղի հարբուխ, փողացաւ եւ ցնցղատապ  
կ'արտադրեն։

Ե. Յած կամ նեղ եւ կամ քարուկիր

սենեկաց՝ մանաւանդ ննջարանաց մէջ՝ ա-  
ծուխ վառելէ, որ անվրէպ չնչհեղձում՝  
այսինքն մահ կրնայ պատճառել՝ եթէ  
օդն ստէպ չնորոգի։ Օրինակներ պակաս  
չեն։

23. Զգուշական միջոց լինդիմ սձե-  
տութեանց եւ խեղաթիւմանց մարմնոյ.

Ծնողաց ամենէն մեծ երկիւղներէն մին  
է իրենց զաւակաց մարմնոյն տձեւու-  
թիւնն, որ կամ ժառանգական կրնայ լի-  
նել, կամ ետքէն ծագիլ կամ աճիլ ինչ  
ինչ աշխատութեանց մէջ մարմնոյն տը-  
րուած կամ ստացած դիրքէն, որով տղա-  
յոց ողնայարը կը թիւրի եւ հետեւապէս  
մարմնոյն բարեձեւութիւնը կը խանգա-  
րի։ Ուստի հարկ անհրաժեշտ է մեծ ու-  
շադրութիւն ընծայել այս մասին։

Տղու մը համար ամենէն բնական դիրքն  
է՝ ոտքի վրայ կեցած ժամանակ՝ ոտներն  
իրարմէ քիչ մը հեռի եւ մին միւսէն թե-  
թեւապէս յառաջ բռնել, թեւերն ալ  
վար կախել։ Պէտք է զգուշանալ թեւե-  
րը խաչաձեւ կուրծին վրայ կապել տա-  
լէ, որ կրնայ նեղել նորա չնչառութիւ-

նը։ Կարդացած ժամանակ պէտք է հսկեր, որ մարմինն ուղիղ բռնէ՝ գիրքը թեթեւապէս կոր գրասեղանի մը վրայ գըրած, առանց բնաւ ծռելու կամ արմուկներուն յենլու։ Դիր գրած ժամանակ ալ մարմինն ուղիղ պահելու պէտք է վարժեցունել, առանց մէկ ուսը միւսէն բարձր բռնելու։ Մէկ խօսքով, տղան այնպէս պարտի նստիլ գրասեղանին առջեւ, ինչպէս որ կը նստի կերակրոյ սեղանին առջեւ, առանց որ եւ է կողմ ծռելու։

Կար կարած ժամանակ՝ պարտի կարի նիւթին իւր մարմույն մօտ բռնել եւ ոչ մարմինը ծռելով նիւթին մօտեցունել։ Կարի սեղանին առջեւ նստած ժամանակ, պարտի աթոռին յենարանին կրթնիլ, կարի նիւթին ծայրը կամ մնացեալ մասը սեղանին վրայ ամրապնդելով, այսինքն վրան ծանր բան մը դնելով, որպէս զի կարենայ տակաւ իրեն մօտ քաշել կարուելիք մասն։ Ասղնեգործական ուրիշ աշխատութեանց մէջ ալ նոյն գիրքը պարտին ունենալ տղայք, ինչպէս նաեւ դաշնակահարութեան ժամանակ։

Մարմնամարզական աշխատութիւնք, պատշաճ սահմանի մէջ, մեծապէս օգ-

տակար են տղայոց։ ոչ միայն մարմնոյ խեղաթիւրմանց եւ տձեւութեանց առաջքը կրնան առնուլ, այլ եւ ջիղերը զօրացունելով եւ լանջերն ընդարձակելով ամրապնդել նոցա առողջութիւնն։

## 24. Մայրումն ապականեալ օդոց եւ ժանահութեանց.

Քլորը սերտ ազգակցութիւն ունենալով ջրածին կազին հետ, փտեալ գիտականց եւ բուսոց գարշահոտութիւնը ջընջելու զօրութիւն ունի։ հետեւապէս հիւանդաց սենեակներուն ու կոյանոցներուն օդը մաքրելու կը գործածուի, մանաւանդ համաճարակ կամ տարափոխիկ հիւանդութեանց ժամանակ։

Եւ որովհետեւ քլորն ինքնին վտանգաւոր է չնչելու համար, հարկ կը լինի կանոնաւորել նորա բուրումն, որպէս զի օդին մէջ ցրուած ժանտահոտութիւնները ջնջելու միջոցին նեղութիւն չպատճառէ հիւանդաց։ Այս պատճառաւ կրի քլորուտ կամ քլորաւոր կիր (քլորիւր տըչօ) կը գործածեն հետեւեալ կերպիւ։

10 կամ 12 տրամ չոր կրի քլորուտ կը հալեցունեն լիտր մը ջուրի մէջ . յետոյ նոյն ջուրը պաղեցունելով հողէ ամանի մը մէջ կը լնուն եւ բերանը լաւ մը կը խցեն : Երբ տարափոխիկ հիւանդութենէ բռնուած անձ մը խնամել հարկ լինի , այն քլորաւոր ջուրէն երեք չսրս տրամի չափ կը լնուն լիտր մը ջուրի մէջ , եւ օրն երկու կամ երեք անգամ կը սրսկեն հիւանդին սենեկին մէջ եւ իրենց ձեռներն ալ կը լոււան նոյն ջրով : Երբ մեռեալ պատահի , պնակի մը մէջ քլորաւոր կիր կը լնուն եւ այն սենեկին մէջ կը դնեն , ուր շոգիանալով յօդս կը ցնդի :

Վերջին տարիներս հանքածխոյ խայծղանէն հանուած վենական թթուն (ասիտ ֆէնիք ) գերազանց ժանտահալած մ'է . բայց իւր բնական վիճակին մէջ կարելի չէ գործածել . 50 տրամ գետնախնձորյ ալիւրի մէջ 6—7 ապուրի դրդալ վենական թթու կը խառնեն կամ խառնել կուտան դեղագործին , եւ շիշի մը մէջ լնլով՝ բերանը լաւ մը կը խցեն ու կը պահեն , եւ օրը քանի մ'անգամ քանի մը պտղունց կը ցանեն հիւանդին անկողնոյն շուրջը , սաւանին վրայ , բարձե-

բռն մէջ տեղերն եւ մինչեւ իսկ անկողնին տակի խորչերուն մէջ :

Փենական թթուն սովորաբար շիշով կը վաճառուի փենոյ անուամբ : Բնակարանց օդը մաքրելու համար՝ երեք ապուրի դրդալ կը խառնեն լիտր մը ջուրի հետ եւ կը սրսկեն սենեկաց մէջ : Կտաւիք , անօթներ եւայլն լուալու ալ կը ծառայէ : Եթէ չուզուի սենեկաց գետիները կամ գորգերը թրջել , փայտի սղոցուքի կամ մաքրուր աւազի հետ խառնելով կը ցանեն : Կրնան նաեւ ֆէնոլ եփել մաքրելի սենեկին կամ յարկին մէջ , կամ սեղանի մը վրայ պնակ մը դնել եւ մէջը ֆէնոլ լնուլ , որ շոգիանալով կը մաքրէ օդը : Բժիշկներն այժմ կը պատռէիրեն պղնձի ծծմբատ (սիւլֆաթ տը քիւփու) , զինկի քլորուտ (քլորիւր տը զէնք) եւ բորական թթու (ասիտ պորիք) գործածել իբրեւ ժանտահալած :

25. Զգուշական միջոցք ընդդեմ համահարակ եւ տարափոխիկ հիւանդութիւն են՝ քոլէրա, ժանտատենդ, ծաղիկ, փողախտ կամ կեղծմաշկ, կարմրախտ եւայլք ոմանք :

Այս կարգի հիւանդութեան մը ճարակած միջոցին, ինչպէս նաեւ որ եւ է տարափոխիկ հիւանդութենէ բռնուած անձ մը խնամել պէտք եղած ժամանակ՝ ինչ ինչ նախազգուշական միջոցներ ձեռք առնուլ հարկ է :

Տարափոխիկ հիւանդութիւնք գլխաւորապէս մերձեցմամբ կը հաղորդուին։ Ուստի պէտք չէ առանց անհրաժեշտ հարկի գազիլ հիւանդին կամ նորա լաթերուն եւ այլ գործածած իրերուն։ Այն լաթերն ու իրերը կամ ջնջել պէտք է, կամ մաքրել քլորախառն ջրով կամ ջրախառն քացախով եւ ծծումքի չողիէ անցունել :

Հիւանդութեան ընթացքին ժամանակ, հիւանդը խնամողք պարտին յաճախ լուալ

իրենց ձեռները, երեսն ու պարանոցը լեմոնախառն ջրով կամ ջրախառն քացախով, եւ իրենց բերանը լուալ թթուախառն կամ խայծղանախառն ջրով, որոյ մէջ կրնան նաեւ քանի մը կաթիլ քափուրաւոր քացախ խառնել։ Այս ամեն հեղուկներուն տեղը կրնայ բռնել լիոր մը ջուրի մէջ լուծուած տասն տրամ բռրական թթու (ասիստ պորիք), որ յոյժ ազդու է, բնաւ վտանգ չունի եւ բիծ կամ արատ չթողուր :

Հիւանդապահնք պարտին զդուշանալ նաեւ հիւանդին բերնին շատ մօտենալէ եւ նորա շունչը կլնելէ. պարտին իրենց երեսէն հեռի բռնել հիւանդին աղտոտ լաթերն եւ կարեաց անօթներն, երբ փոխել կամ փոխագրել պէտք լինի։ Նմանապէս պէտք է հողի մէջ ծակ մը կամ փոս մը փորել եւ հիւանդին կղկղանքն անդ թափելով վրան փակել, մանաւանդ երբ հիւանդը թանչէ, քոլէրայէ կամ ժանտատենդային ջերմէ բռնուած լինի։ Այս պարագայից մէջ յոյժ օդտակար է լիոր մը ջուրի մէջ 15 տրամի չափ պղնձի ծծմբատ խառնել, եւ ամեն անգամ գաւաթ մը թափել հիւանդին կղկղանաց

Վուրձի գաւաթ մը կրի քլորու տ-  
ալ նոյն արդիւնքը կ'ունենայ :

Հիւանդապահք կամ հիւանդ խնամողք  
պարտին մերթ ընդ մերթ դուրս ելնել  
հիւանդին սենեկէն եւ մաքուր օդ շնչել  
գեթ քանի մը վայրկեան, եւ առանց  
թթուախառն ջրով բերաննին ու կոկորդ-  
նին ողողելու պէտք չէ մտնեն հիւանդին  
քով, մանաւանդ նօթի ստամոքսով, եւ  
պէտք չէ բնաւ բան ուտեն հիւանդին  
սենեկին մէջ, եւ անդ կեցած ջուրը խը-  
մեն: Ցերեկը կրնան մէկ կամ երկու գա-  
ւաթ սուրճ առնուլ:

Կը յորդորեմք մայրերն, որ իրենց մայ-  
րական գորովը զսպելով՝ տարափոխիկ  
հիւանդութենէ մանաւանդ փողախտէ  
բռնուածզաւակնին չհամբուրեն: Քանի  
գեռատի մայրեր զոհ գնացած են այդ  
մայրական ազնիւ բայց անխոհեմ գորո-  
վոյն, եւ իրենց ընտանիքն յուսահատու-  
թեան մէջ ընկրմած: Համաձարակ հիւան-  
դութեանց ժամանակ պէտք է կանոնա-  
ւոր կեանք վարել, ամեն չափազանցու-  
թենէ զգուշանալով եւ ողջապահիկ կանո-  
նաց պատկառ կալով, մանաւանդ մաք-  
րութեան: Պէտք է բնակարանաց օդն

յաճախ նորոգել եւ օրն երկու երեք ան-  
գամ քլորախառն կամ փենոլախառն ջրով  
ոռոգել: Նմանապէս առաւօտ եւ երեկոյ  
մարմինը շփել Քոլոնիոյ ջրի կամ քափու-  
րախառն օղիի մէջ թաթխուած ասուե-  
կտաւով: Սոքա պահպանողական ամե-  
նակարեւոր միջոցներ են, զորս գործադ-  
րողք չպարտին բնուտ երկիւղ կրել իրենց  
սրտին մէջ, այլ վստահ եւ զուարթ ի-  
րենց անձնական եւ ընտանեկան գործոց  
պարտին զբաղել:

## 26. Հիւանդապահն մայր կամ կին.

Ընտանեաց մէջ հիւանդ խնամելու փա-  
փուկ պաշտօնը կանանց յատուկ է: Նո-  
ցա քնքուշ ձեռքը, ճարտար մատունքն  
եւ դիւրագորով սիրտը լաւագոյն խնա-  
մատարն են եւ սփոփիչ հիւանդութեամբ  
տառպակելոց: Քաղցրութիւն, ուշադրու-  
թիւն, փափկութիւն, անձնուիրութիւն,  
համբերութիւն՝ ամենէն կարեւոր պայ-  
մաններն են հիւանդապահութեան, եւ  
այս պայմանք ընդհանրապէս իգական  
սեռին բնական ձիրքն են: Գորովասիրտ  
եւ անձնուէր հիւանդապահ մը, երբ մա-

նաւանդ մայր կամ ամուսին է, գրեթէ բոլորովին կը նոյնանայ հիւանդին հետինչ որ նա զգայ, ինքն ալ գրեթէ ճշդիւ կը զգայ, եւ իւր կարեկցական գորովով ու քաղցր խօսքերով կ'ամոքէ նորացաւերն, եւ իւր զուարթ ու ժպտունդէմքով յոյս եւ քաջալեր կ'ազդէ հիւանդին:

Երբ ծանր հիւանդ մը կայ տան մէջ, նորա պառկած սենեկին դուռը խնամով փակուած պարտի մնալ այցելուաց առջեւ: Այցելուք ուրիշ սենեկի մը մէջ պարտին ընդունուիլ: Նմանապէս պէտք է զգուշանալ հիւանդին սենեակն յաճախ մտնել ելնելէ, ոտնաձայն կամ որ եւ իցէ չոխնդ հանելէ:

Հիւանդին քով գնացողներն (ընտանեաց անդամք) պարտին խնամով զգուշանալ ոչ միայն հիւանդին երկիւղ կամ կասկած պատճառող որ եւ իցէ խօսք արտասանելէ, այլ եւ մտահոգ կամ տխուրդէմք ցոյց տալէ: Քննդ հակառակն՝ իրենք զիրենք քաջայոյս եւ զուարթ պարտին ցուցնել: Հիւանդաց աչերը սովորաբար նրբագէտ կամ կորովատես կը լինին. իրենց մօտ գնացողներուն դէմքին վրայ

կը ջանան կարդալ իրենց վիճակին վրայ նոցա սրտին զգացածն ու մոքէն անցածն:

Հիւանդապահին պարտքն է նաեւ հիւանդին սենեկին օդը նորոգել օրը քանի մ'անդամ. հիւանդին գլուխը ծածկելով կամ վարագուրով մը շրջապատելով, սենեակին դուռն եւ պատուհաններէն մին կիսով բանալ եւ օդը փոխել: Ի հարկին տաք ջրով լի քանի մը սրուակներ ալ կրնայ դնել հիւանդին շուրջն եւ այնպէս շրջապատել զոյն վարագուրով, որպէս զի օդին նորոգուելէն պաղ չառնու: Հիւանդը չկրնար ազատ շունչ առնուլ այնպիսի սենեկի մը մէջ, որոյ օդն ապականեալ եւ մթնոլորտն ալյոյժ տաք լինի: Այս պատճառաւ սենեկին օդը միշտ մաքուր եւ բարեխառն պարտի լինիլ:

Նմանապէս պարտի խնամ տանիւ հիւանդին մաքրութեան: Թրջած շապիկ կամ կտաւիք պէտք չէ բնաւ թողուլ հիւանդին մարմնոյն վրայ: Բայց փոխելու համար ալ կարեւոր զգուշութիւնք հարկ են:

27. Փոփոխումն կտաւեաց եւ հանդերձից հիւանդի.

Հիւանդի՝ մանաւանդ ծանր հիւանդի՝ կտաւիքը փոխել գիւրին գործ չէ. վասն զի հարկ է զգուշանեալ որ չպաղի եւ չնեղուի: Շապիկը հանելու համար՝ հիւանդին երկու թեւերը կը բռնեն վեր կը տնկեն եւ շապիկը կը քաշեն կը հանեն գիւրութեամբ: Իսկ մաքուր շապիկը հագցունելու համար՝ հիւանդին երկու թեւերը կը տարածեն անկողնին վրայ, շապիկը վարէն վեր մինչեւ թեզանիքը կը գալարեն եւ հիւանդին թեւերը թեզանիքին մէջ կ'անցունեն. յետոյ հիւանդին գլուխը քիչ մը վեր առնլով՝ շապիկը վարի ծայրէն գլուխը կ'անցունեն եւ մեղմով վար կը սահեցունեն:

Այս գժուարութիւններէն զերծ մնալու լաւագոյն միջոցն է ձերմակ կտաւէ լայն գիշերազգեստ հագցունել հիւանդին, որ մէջքէն ու պարանոցէն կոճակ կամ կապ ունենալով՝ թէ՛ հանելու եւ թէ՛ հագցունելու գիւրութիւն կ'ընծայէ, մանաւանդ եթէ հիւանդին մարմ-

նոյն վրայ այտուցիկ խարան բանալ հարկ լինի:

Հիւանդի մը վիճակին ծանրացած ժամանակ՝ լաւ նախազգուշութիւն մ'է մոմազօծ կտաւ փուել անկողնոյն սաւանին տակ, որպէս զի անկողինը մաքուր մնայ ալղոեղութենէ. միանդամայն ծալըուած լաթ մը դնել հիւանդին տակ, եւ մերթընդ մերթ կամ ի հարկին փոխել:

Փոխնորդ կտաւեղէնները նախապէս պէտք է տաքցունել եւ այնպէս հագցունել կամ մարմնոյն դպցունել:

Հիւանդին վրայէն ելած կամ գործածած կտաւիքն ու լաթերը զատ պարտին լուացուիլ: Եթէ հիւանդութիւնը տարափոխիկ է, խոհեմութիւնը կը պահանջէ նախ ծծումբի ծուխէ անցունել լաթերն եւ ապա լուալ:

Ծծումբի ծուխէ անցունելու համար՝ փոքրիկ կրակարանի մը վրայ աթոռի մը ոտները կ'երկնցունեն, եւ հիւանդին լաթերն հետզհետէ վրան տարածելով եւ անոնց վրայ ալ լայն ծածկոյթ կամ սաւան մը ծածկելով, այնպէս որ կրակարանը չորս կողմէն պատէ, բուռ մը ծծումբի փոշի կը նետեն կրակին մէջ, եւ

չորս կողմէն կը ծածկեն : Քանի մը վայրկեան անցնելէ յետոյ կը հանեն ծխեալ լաթն եւ ուրիշ մը կը դնեն տեղը :

### 28. Խնամ ապահնելոց .

Ապաքինման շրջանը մտած հիւանդի մը վիճակը շատ փափուկ է . ողջպահիկ զգուշութիւնք ամեն ժամանակէ աւելի այս պարագայի մէջ կարեւոր են :

Ապաքինեալը մեծ խնամով պահպանել հարկ է օդին ազդեցութիւններէն . պաղ եւ խոնաւ օդը մահացու թշնամին է ապաքինելոց : Մանաւանդ կտաւիք կամ հանդերձ փոփոխած ժամանակ մեծ ուշադրութիւն հարկ է , որպէս զի չմրսի կամ պաղ չառնու . ուստի պէտք է լաւ տաքցունել փոխնորդներն :

Ուտելիքին ալ մեծ խնամ տանիլ հարկ է , որպէս զի ստամոքսին մարսողական կարողութեան համեմատ լինին եւ ոչ ախորժակին կամ նօթութեան : Քիչ բայց յաճախ պարտին ուտել : Ապաքինման միջոցին պատահած անմարսութիւն մը հիւանդութեան կրկնում կրնայ յառաջ բերել , որ յաճախ մահարեր կը լինի , ուստի

պէտք է լաւ ուշադրութիւն ընել , որպէս զի կերակուրները սննդարար՝ բայց եւ միանգամայն դիւրամարս տեսակներէ լինին : Ոչխարի մսի խորովածը խարշածէն աւելի օգտակար է եւ դիւրամարս : Հացը շատ քիչ եւ օթեկ պարտի լինի , այսինքն նախորդ օրուան : Պտուղները թեթեւ շաքարով եփուած պարտին լինել եւ ոչ հում :

Վերջապէս , մինչեւ որ ապաքինեալը լաւ մը կազդուրի եւ ինքզինք գտնէ , պէտք է զգուշացունել մտային եւ մարմնական յոգնութիւններէ , ինչպէս նաեւ բուռն սրտայուզումներէ , որք կրնան նորոգել հիւանդութիւնը կամ ուրիշ հիւանդութեանց ծնունդ տալ :

### 29. Կարեւոր գիտելիք մարց եւ առհասարակ ամեն սանտիկնանց .

Դեղեր կան զորս լաւ է առձեռն պատրաստ ունենալ , կամ ի հարկին փութանակի պատրաստել գիտնալ :

Կը պատահի շատ անգամ , մանաւանդուղեւորութեան կամ գիւղերու մէջ , ուրբաժիշկ կամ գեղարան չգտնուիր , եւ կամ

գիշեր ժամանակ բժշկի կամ դեղագործի դիմել անկարելի կամ դժուարին կը լինի : Այսպիսի պարագայից մէջ նախախնամական բարիք մ'է պատրաստ դեղեր ունենալ կամանմիջապէս պատրաստելով գործածել :

Այս նպատակաւ արժան կը համարիմք քանի մը կարեւորագոյն դեղօրէից անուններ նշանակել ասու, Փրանսերէնն եւ ոմանց ալ թուրքերէնն ի միասին դնելով, որպէս զի դիւրին լինի գտնել դեղավաճառաց քով :

1. Ծաղկեցուր նարնջենւոյ (օ առ ֆլէօր տ'օռանժ. թուրքերէն չիչէք սույու) : Շաքարախառն ջուրի մէջ խառնելով կը խըմցունեն ջղային գրգութիւն, մարելիք և դժուարամարտութիւն ունեցողներուն :

2. Անախնոյ մուզ (էքսթրէ կամ էսանս առ մանթ. թուրքերէն նանէ րուհու) :

1—2 կաթիլ կը լնուն գաւաթ մը գաղջեւ շաքարախառն ջուրի մէջ եւ կը խըմցունեն ստամոքսի խիթք կամ դժուարամարսութիւն ունեցողին :

3. Անուշալրակ (ամոնեաք լիքիտ կամ ալքալի վոլաթիլ. թուրք. նշատը րուհու) : Կը գործածուի մեղուաց կամ իժից

խայթուածներ խարելու եւ նուաղելոց ու անշնչացելոց հոստոտել տալու : Արբեցութեան դէմ ալ կը գործածուի՝ գաւաթ մը ջուրի մէջ 5—6 կաթիլ խառնելով եւ արբեալին խմցունելով :

4. Պողլեն (ալէօն. թուրք. շապ) : Կը գործածուի բերնի կեղերու՝ արինահոսութեան եւ կոկորդի շաւերու դէմ:

5. Երեր (էթէր) : Կը գործածուի ջիղերու պրկման դէմ: Քանի մը կաթիլ կը ցանեն կտոր մը շաքարի վրայ, կամ սուրճի գաւաթով լի շաքարախառն ջուրի մէջ եւ կը կերցունեն կամ կը խմցունեն ջղային գրգութիւն, ջղաց պրկում եւ ստամոքսի մկանց կծկում ունեցողին :

6. Վիամոր (պիսմիթ) : Կը գործածուի ստամոքսի ջղային տկարութեանց, փորլուծութեան եւ դժուարամարսութեան դէմ:

7. Մեսին օպողելլով (պօմ օրօտէլտօք եւ պօմ թրանքիլ) : Յօդերու եւ ջիղերու ցաւերը շփելու կը գործածուի :

8. Իպեկայի օշարակ (սիրօ տ'իրէքա) : Ործացուցիչ դեղ, մանաւանդ տղայոց կամար :

9. Երփնացուր փոնչուկի (թէնթիւր

տ'արնիքա ) : Կը գործածուի անկմանց ,  
յանկարծական երկիւղի եւ սրտայուղման  
դէմ : 8—10 կաթիլ կը լնուն նարնջենոյ  
ծաղկեջուրի մէջ եւ կը խմեն :

10. Ամռիչ ջուր (օ սէտաթիվ) : Սաս-  
տիկ ցաւեր հանգարտեցունելու կը ծա-  
ռայէ : Կը շինուի լիտր մը ջուրի մէջ խառ-  
նելով 20 տրամ անուշադրակ , 20 տրամ  
հասարակ աղ եւ 3 տրամ քափուրախառն  
գոհու , և ցաւած տեղին վրայ կը դրուի :

11. Քինքինայի զինի (վէն տը քէնքի-  
նա ) : Տկար ստամոքսները զօրացունելու  
կը ծառայէ : Կը շինուի 20 տրամ գորչ  
քինքինա (քէնքինա կոի) մանրելէ յետոյ  
լիտր մը լաւ կարմիր գինիի հետ խառնե-  
լով եւ հինգ վեց օր կենալէ վերջը բա-  
րակ լաթի մը մէջէ անցունելով :

12. Երկարի ջուր (օ ֆէռէ) : Արին  
աւելցունելու կամ զօրացունելու կը ծա-  
ռայէ : Կը շինուի ջրով լի ապակեայ սըր-  
ուակի մը մէջ բուռ մը ժանգոտ բեւեռ  
նետելով եւ վրան լիտր մը տաք ջուր  
լցունելով . Քանի մ'օր անցնելէ յետոյ  
այն ջուրը ճաշի միջոցին խմուած գինիին  
հետ կը խառնեն եւ տեղը նոր գաղջ ջուր  
կը լցունեն :

13. Գլխաւոր մաքրողականք :  
Հնդիկ իւղ (իւկլ տը ոխէն անկլէ \*) :  
Մեսլիցի ջուր (օ տը սէտից) :  
Ռոժէի լիմոնջուր (լիմոնատ ոօժէ) :  
Անզիական աղ (սէլ տը կլօպէր կամ  
սիւլֆաթ տը տուտ) :  
Մազնէսիոյ ծծմբատ (սիւլֆաթ տը  
մանէկզի) :

Պիրմենսրութի , Բիւլմայի եւ Եանոսի  
ջուրի (օ տը պիրմէնսրութ , տը բիւլ-  
նա , տ'իւնիատի Եանոս) :

30. Պատրաստութիւն եւ գործածումն  
մի բանի յոյժ սովորական դեղոց .

Շատ անգամ բժշկաց պատուէրներուն  
եւ հրահանգաց ճշգիւ կամ պէտք եղած  
կերպիւ չգործադրուելէն՝ ճախող եւ եր-  
բեմն ալ ծանր հետեւութիւնք յառաջ  
կուգան . այսինքն՝ կամ գեղերն ու գար-  
մաններն ապարդիւն կը մնան , կամ հի-  
ւանդին վիճակն առաւել կը վատթարի :  
Օրինակի համար , բժիշկը կը պատուիրէ

(\*) Խմելու զիւրութեան համար զեղանափ ձե-  
լով պատիճներու (քապսիւլ) մէջ առնուած :

Հիւանդին ոտքը տաք ջուրի մէջ դնել,  
ջուրը պէտք եղածին չափ տաք չլինիր,  
կամ պէտք եղած ժամանակէն աւելի կամ  
պակաս կը մնայ տաք ջուրին մէջ. կակ-  
ղացուցիչ խիւը (լափա) շատ կարծր է  
կամ լոյժ. խարանը սիսալ կամ գէշ փակ-  
ցուած է. տզրուկները պէտք եղածին  
չափ արիւն չեն ծծած. բուսական ըմպե-  
լին լաւ չէ խաշուած կամ զտուած. բժրշ-  
կին պատուիրած գեղը նշանակեալ չա-  
փէն աւելի կամ պակաս տրուած է, կամ  
պէտք եղած ժամանակը չէ արուած: Տա-  
րակոյս չմեար ուրեմն թէ հիւանդ խնա-  
մելու պաշտօնը շատ փափուկ է եւ ճըլ-  
ձիմ ուշագրութեան կարօտ: Ամենադոյզն  
զանցառութիւն մը կամ անփութութիւն  
կրնայ երբեմն աղիտաբեր իսկ լինիլ:

Այս պատճառաւ աւելսրդ չլինիր մի  
քանի յոյժ սովորական դեզոց պատրաստ-  
ման ու գործածման եղանակը նշանակել:

Բուսական ըմպիլիք կամ խարշաջուրք.

(Թիզան)

Թէյ (թէ, չայ): Սուրճի դրդալ մը կը  
լնուն գաւաթ մ' եռացեալ ջուրի մէջ, եւ  
քառորդի մը չափ մնալէ յետոյ՝ կը պար-

զեն եւ սուրճի պէս կը խմեն կամ կը խըմ-  
ցունեն հիւանդին: Չափաւոր քանակով  
թէյը կը փութացունէ արեան չըջանը,  
կ' երագեցունէ բազկին զարկն եւ կը դիւ-  
րացունէ մարսութիւնը: Սովորաբար  
ճաշէն երկու երեք ժամ յետոյ կը խմեն:  
Եթէ անկողին մտնելու ժամանակ եւ յոյժ  
տաք խմուի, քրտնեցուցիչ ալ է: Միայն  
պէտք է դիտել որ խմող հիւանդն որո-  
վայնի պնդութիւն չունենայ, վասն զի  
թէյը կ' աւելցունէ պնդութիւնը:

Տուղս (կիմօվ, կիւլչաթէմ): Դեղ կակ-  
ղացուցիչ. սովորաբար ծաղիկն եւ եր-  
բեմն արմատը կը գործածուի: Երեք  
չորս պտղունց ծաղիկ կը նետեն մէկ լիտր  
եռացեալ ջուրի մէջ, եւ քառորդի մը  
չափ մնալէ յետոյ կը պարզեն եւ առա-  
ւոտ ու երեկոյ թէյի պէս կը խմեն գաղջ  
վիճակի մէջ:

Ծաղիկ թանքրուենւոյ (Փլէօր տը սիւ-  
րօ. միւրվէր չիչէյի): Տրամի մը չափ կը  
բաւէ մէկ լիտր եռանդուն ջուրի մէջ:  
Այս ալ թէյի պէս կը խմուի անկողին  
մտնելու ժամանակ, իբրեւ քրտնեցուցիչ:

Ծակիկ թմբւոյ (Փլէօր տը թիյէօլ, օհ-  
լամուր չիչէյի): Օգտակար գլխու ցաւի,

ջղային հիւանդութեանց եւ դժուարամարսութեանց։ Տրամի մը չափ կը բաւէ մէկ լիտր եռանդուն ջուրի մէջ։ Ծերթմբիներու ծաղիկն առաւել հիւթեղէ քան դեռատիներուն։

Բաղրջուկ (մօվ, էպէմիւմէճի)։ Ծաղկէն աւելի տերեւը կը գործածուի ամեն տեսակ բորբոքմանց, այտուցներու եւ վէրքերու դէմ, իբրեւ ըմպելի, իբրեւ թրմոց եւ իբրեւ ներարկելի։

Մանիշակ (վիօլէթ, մէնէքչէ)։ Կը գործածուի իբր ըմպելի, եւ յոյժ օգտակար դէղ է հազի։ Սովորաբար տուղով հետ կը խառնեն եւ այնպէս կ'առնուն ջուրը։

Երիցուկ (քամօմիւ, փափատիա)։ Կը գործածուի իբր ըմպելի ջղային պրկմանց եւ ստամոքսի տկարութեանց դէմ։

31. Պատրաստոթիւն եւ գործածումն մի ժամի յոյժ սովորական դեղոց.

Խիւս, (քարաբլասմ, լափա.)

Կակդացուցիչ խիւս։ Խիւսի մը ձեւը կամ ծաւալը՝ ծածկելիք վէրքին կամ ցաւած տեղին տարածութեան համեմատ

պարտի լինիլ. չափաւոր ջերմութիւն պարտի ունենալ, այսինքն ոչ պաղ եւ ոչ յոյժ տաք, զոր կրնայ ոք գիտնալ՝ ձեռքին վրայ դնելով։

Օրինակի աղագաւ, կտաւատի ալիւրէ կամ օսլայէ խիւս շինելու համար՝ մաս մը կը դնեն փոքրիկ սանի կամ պոյտի մը մէջ, վրան քիչ քիչ եռացեալ ջուր կը լնուն եւ ուժով մը կը խառնեն փայտէ գրգալով, մինչեւ որ լաւ խիւս մը կազմուի, Յայնժամ բարակ եւ անկարան լաթի մը մէջ տեղը կը լնուն, գրգալով կը հարթեն, լաթին պարապ մնացած մասը վրան կը դարձունեն, այսինքն կը ծածկեն, եւ տաքութեան աստիճանը քննելէ զկնի՝ պէտք եղած տեղը կը դնեն եւ թաշկինակով մը կամ երիզով կը կապեն, որպէս զի անխախտ մնայ։ Պաղած խիւսը կը փոխեն՝ եթէ պէտք կայ փոխելու։ Բայց նորը դնելու ժամանակ՝ տեղը կը սրբեն գաղջ ջուրի մէջ թաթխուած բառակ լաթով։

Գրգոյիչ խիւս (սինաբիսմ)։ Գրգոյիչ խիւսը կը շինուի սովորաբար մանախոյ ալիւրէ, զոր պաղ կամ քիչ եղկ ջրով կը խառնեն, կը թանձրացունեն, լաթի մը

վրայ կը տարածեն ինչպէս կակլացուցիչ  
խիւսը, պէտք եղած տեղը կը դնեն  
մորթին վրայ եւ թաշկինակով կամ վար-  
շամակով կը կապեն, որպէս զի փակած  
մնայ: Երբ մորթին կիզումն անտանելի  
լինի, կը վերցունեն եւ վերէն ի վար կը  
պտտցունեն մորթին վրայ:

Ծիկողոյի յարտը (Բաբիէ Ծիկոլոյ) որ մա-  
նանխոյ ալիւրով ծեփուած է, ամենէն  
լւան է՝ թէ՛ գործածելու դիւրութեամին  
եւ թէ՛ մաքրութեամիք, մանաւանդ ստի-  
պողական պարագայից մէջ. բայց որով-  
հետեւ ազդեցութիւնն յոյժ սաստիկ է  
տղայոց եւ կանանց համար, եւ շատ հի-  
ւանդք ալ չեն կրնար քանի մը վայրկենէ  
աւելի դիմանալ, ուստի լաւ կը լինի  
բարակ թուղթով կամ նուրբ կտաւով մը  
ծածկել եւ այնպէս դնել պէտք եղած  
տեղը:

Ծիկոլոյի քարտը գործածելու համար  
ուրիշ բան պէտք չէ ընել, բայց միայն  
քիչ մը ջուր լնուլ պնակի մը մէջ, քարտն  
անոր մէջ սարածել քանի մ'երկվայր-  
կեան, ապա թաց թաց դնել մորթին  
վրայ եւ կապել թաշկինակով կամ երի-  
զով, որպէս զի չընկնի:

32. Պատրաստութիւն եւ գործածումն  
մի խնի յոյժ սովորական դեղոց.

Խարան: Խարանին ձեւն ու մեծութիւ-  
նը բժիշկը կը նշանակէ: Փակցունելու  
ժամանակ քիչ մը քափուրի փոշի կը ցա-  
նեն վրան, կրակի կը ցուցնեն, եւ ան-  
միջապէս փակցունելով՝ վրան լաթէ թե-  
թեւ բարձիկ մը կը դնեն եւ թաշկինա-  
կով կը կապեն, որպէս զի չխախտի տե-  
ղէն: Երբեմն խարանին հետ մածուցիկ  
երիզներ կ'առնուն գեղագործէն, եւ խա-  
րանին վրայ խաչածեւ տարածելով՝ ծայ-  
րերը մորթին կը փակցունեն:

Երբ խարանն իւր պաշտօնը կատարէ  
(տղայոց վրայ 5—6 եւ մեծ երու վրայ  
12—15 ժամու մէջ), այսինքն երբ մորթն  
ուռած լինի, վրայի լաթը կամ երիզնե-  
րը կը հանեն եւ խարանը մեղմով կը վեր-  
ցունեն՝ մէկ ծայրէն սկսեալ, եւ ուռած  
մորթն յերեւան կ'ելնէ: Յայնժամ վարի  
կողմէն կը ծակեն մկրատով եւ մէջի ջու-  
րը կը վազցունեն: Եթէ խարանը բանե-  
ցունելու պէտք կայ, դեղագործէն ար-  
տագական թուղթ (Թափթա Լըպէրդ-

րիէլ կ'առնուն եւ զայն կը դնեն՝ վրան և  
Եթէ վէրքը բորբոքի եւ ցաւ պատճա-  
ռէ, կտաւատի ալիւրէ խիւս կը դնեն  
վրան, եւ ամեն անգամ փոխելու ժամա-  
նակ վէրքը կը սրբեն բարակ եւ կակուղ  
կտաւով մը, զոր պէտք է մեզմով թաթ-  
խել կամ խխմել եւ ոչ քսել։ Եթէ ծած-  
կող կտաւը վէրքին փակած լինի, գաղջ  
ջրով կը թրջեն եւ այնպէս կը հանեն։

Երբ խարանը փակել պէտք լինի, բա-  
րակ լաթի կամ նուրբ թուզթի վրայ  
քսուած մոմձէթ (սէրա կամ քայլաք մէհ-  
էմի) կը դնեն վրան, եւ չորցունելու  
համար օսլայի կամ նշայի փոշի եւ կամ  
գետնախնձորի ալիւր կը ցանեն։

Տգրուկի, Բազմաթիւ կանայք եւ աղջ-  
կունք կը վախնան կամ կը սոսկան տղրու-  
կէ, առանց բանաւոր պատճառի, եւ այս-  
պէս այդ օգտակար կենդանին գործա-  
ծելու դժուարութիւն կը կրեն ի վեաս  
պէտք ունեցող հիւանդին։ Ուստի պար-  
տին ընդեւանալ անոր հետ, որպէս զի  
կարող լինին հարկ եղած ժամանակ օ-  
գուտ քաղել։

Տգրուկները՝ փակցունելէ առաջ՝ քանի  
մը ժամ առանց ջուրի պէտք է թողուլ,

այսինքն նոցա գտնուած սրուակին մէջի  
ջուրը պարպել, որպէս զի նօթենան։ յե-  
տոյ փոքրիկ ապակեայ գաւաթի մը մէջ  
փոխադրելով՝ բերանը փակչելու տեղին  
վրայ կը գարծունեն՝ մորթին դպցունե-  
լով, որպէս զի տղրուկները գաւաթէն  
դուրս չփախչին։ Բայց նախ պէտք է  
փակչելու տեղը շաքարաւոր ջրով կամ  
կաթով չփել։ Երբ գաւաթին մէջի տըզ-  
րուկներուն ամենն ալ փակչին, գաւաթը  
վար կ'առնուի։ Եթէ տղրուկներէն մին  
կամ երկուքը միւսներէն շատ աւելի եր-  
կար մնան եւ ծծելը շարունակեն, քիչ  
մ'ալ կը ցանեն նոցա թթին վրայ, եւ իս-  
կոյն կ'ընկնին։ Եթէ բժշկին տնօրէնու-  
թեան համեմատ՝ արիւնն երկար վազցու-  
նել պէտք լինի, վէրքերը մեղմով կը  
լրուան տաք ջուրի մէջ թաթխուած սպուն-  
գով, եւ ապա կտաւատի ալիւրէ կակուղ  
եւ եղկ խիւս կը դնեն վրան։

Եթէ արիւնը պէտք եղածէն աւելի  
վազէ եւ չդադրի, վէրքերուն վրայ այ-  
րած լաթ կամ արեթի կտորներ կը դնեն  
եւ լայն երիզով կամ թաշկինակով կը կա-  
պեն։ Իսկ Եթէ դարձեալ շարունակէ ա-  
րեան հոսումը, պաղեղի կամ բեւեկնոյ

խէժի փոշի կը ցանեն, ծուատ մը վրան  
կը դնեն եւ մատներով կը կոմեն կը կե-  
նան՝ մինչեւ որ բոլորովին դադրի:

33. Նախնական դարմանք յանկար-  
ծական հիւանդոթեանց եւ պատ-  
հարաց.

Դիւրաւ կրնամք երեւակայել տան մը  
կամ ընտանիքի մը վիճակն, երբ յանկար-  
ծահաս հիւանդութիւն կամ արկած մը  
պատահի ընտանեաց անդամներէն միոյն:

Այսպիսի անակնակալ պարագայից մէջ  
չչփոթելու եւ սիսալներ չգործելու հա-  
մար, յոյժ կարեւոր է նախնական անհրա-  
ժեշտ դարմանները գիտնալ եւ ի գործ  
դնել՝ մինչեւ որ բժիշկը հասնի:

Նշանակենք մի քանին:

Թունաւորում: Ամեն տեսակ թունա-  
ւորմանց մէջ առաջին պէտք եղածն է  
արագ եւ առատ փախում: Ուստի թու-  
նաւորեալը պարտի փութալ շատ ջուր  
խմել, եթէ գաղջ ջուր պատրաստ գըտ-  
նուի, աւելի լաւ է զայն խմել: Այսպէս  
ստամոքսը լցուելէ յետոյ, թունաւորեալը

պարտի մատն իւր կոկորդը խոթել եւ  
սրտի խառնում գրգռել մինչեւ որ ետ  
գայ: Նորէն պարտի ջուր խմել եւ սիր-  
տը ետ բերել երեք կամ չորս անգամ՝  
մինչեւ որ ստամոքսէն պարզ ջուր միայն  
դուրս գայ: Փսխում յառաջ բերելու  
համար աւելի լաւ է փետուրի մը կա-  
կուղ ծայրը ձէթի մէջ թաթիսելով հի-  
ւանդին կոկորդը խոթել կամ ձիթախառն  
ջուր խմցունել:

Երբ ստամոքսը լաւ մը պարպուի, ան-  
դեղեայ կամ հակաթոյն կը տրուի հի-  
ւանդին:

Եթէ ժանգէ թունաւորուած է, ստա-  
մոքսը պարպելէ յետոյ՝ լիտր մը ջուրի  
մէջ հինգ վեց հաւկթի ձերմկուց կը խառ-  
նեն եւ ամեն վայրկեան մէկ մէկ մանր  
գաւաթ՝ կը խմցունեն: Եթէ պատրաստ  
հաւկթ չգտնուի, ջուրի մէջ կտրած կաթ-  
կամ լիտր մը ջուրի մէջ խառնուած ա-  
վեր կը խմցունեն:

Սւրուած կամ նեխած միս, ձուկ, խե-  
ցիա եւայլն ուտելով թունաւորեալին  
ստամոքսը պարպելէ յետոյ՝ պէտք է քա-  
ցախով կամ լիմոնով խառն ջուր կամ մեծ  
գաւաթ՝ մը լի շաքարախառն ջուրի մէջ

Հորս գրգալ ծծմբային եթեր (էթէր սիւլ-  
ֆիրիք) խառնելով չորս անգամէն խմցու-  
նել քսան վայրկեանը միանգամ:

Սունկէ թունաւորեալին՝ ստամոքսը  
պարպելէ յետոյ՝ քացախով կամ լեմոնով  
եւ կամ աղով խառն ջուր խմցունել, եւ  
ապա անշաքար սուրճ :

Բուսային թմբրեցուցիչ թոյներէ, այն  
է ափիոնէ, լաւտանոմէ, մորֆինէ, պէլ-  
լատոնէ եւ ինդամիլիէ թունաւորեա-  
լին՝ ստամոքսը պարպելէ եւ աղջուր խըմ-  
ցունելէ յետոյ, անշաքար սուրճ խմցու-  
նել մեծ քանակաւ, հիւանդը չքնացու-  
նել եւ մարմնոյն բոլոր անդամները չը-  
փել:

Մկնդեղով թունաւորեալին՝ ստամոքսը  
պարպելէ յետոյ՝ առատ կաթ եւ ջուրով  
խառնած մագնետիա խմցունել եւ բա-  
զում շաքար կերցունել:

Փոսիորէ թունաւորեալին՝ ստամոքսը  
պարպելէ զկնի, ջուրի մէջ լուծուած  
հաւկթի ձերմկուցին հետ մագնետիա  
խառնել եւ քանի մը լիտր խմցունել:

34. Նախնական դարմանի յանկար-  
ծական հիւանդութեանց եւ պատա-  
հարաց .

Անշնչացում կամ շնչիեղձում: Անշնչա-  
ցումն է դադարումն չնչառութեան,  
շարժման եւ զգացման: Այլ եւ այլ պատ-  
ճառներ ունի, հետեւապէս քանի մը տե-  
սակ անշնչացում կայ:

Ծովու կամ գետի մէջ ընկղմելով անշըն-  
չացեալը, զոր մեք սովորաբար խեղդուած  
կը կոչեմք, պէտք է փոխադրել ամենէն  
մերձակայ տունն, եւ անմիջապէս հա-  
նելով կամ կարտելով վրայի հագուստ-  
ները, տաք ծածկութով կամ վերմակով  
մը փաթթել, կրնըկին վրայ պառկեցու-  
նել դէպ աջ կողմը, սրբել բերնին լոր-  
ձունքը, գլուխն ու մարմինը քիչ մը  
ծուել քանի մ'երկվայրկեան, որպէս զի  
շնչառութեան ձանպարհներուն մէջ գըտ-  
նուած ջուրը դիւրաւ դուրս ելնէ: Յե-  
տոյ քիչ քիչ եւ աստիճանաբար տաքցու-  
նել մարմնոյն ամեն մասերն՝ անկողնի  
ջեռուցիչով կամ քիչ տաքցած արդնուկ-  
ներով, եւ կամ, եթէ սոքա չգտնուին,

տաքցած աղիւսներ կամ տաք ջրով լի  
սրուակներ գնել ոտներուն տակն եւ կո-  
ղերուն վրայ , սրունքը , ազդրերը , թե-  
ւերն ու կողերը թեթեւապէս չփել պարզ  
կամ քափրաւոր օդիի մէջ թաթխեալ աս-  
ուեկտաւով : Աւ ելի լաւ է 20 տրամ ձէ-  
թի մէջ 3 տրամ անուշադրակ (ամօնիաք)  
խառնել եւ անով չփել : Եթէ քանի մը  
վայրկեան չփելց յետոյ , հիւանդը շունչ  
առնուլ սկսի եւ մարմինը պաղ մնայ , 32  
աստիճան տաք ջրոյ լոգարանի (պանեոյ)  
մը մէջ պէտք է դնել զայն , եւ գլխուն  
վրայ ալ գաղջ ջուրի մէջ թաթխուած  
սպունգ կամ լաթ , որպէս զի արիւնն ու-  
ղեղին մէջ չլցուի :

Եթէ լոգարան չգտնուի , հիւանդին  
վարի կողերը փոփոխակի սեղմել ու թող  
տալ , հնար եղածին չափ նմանցունելով  
այն ելեւէջի շարժման , զոր այդ ոսկերք  
կը կատարեն երբ մարդ մը բնականապէս  
շունչ առնուր :

Պէտք է նաեւ երկայն փետուրի մը  
կակուղ կամ մազոտ ծայրը կոկորդին խո-  
րը խոթել փսխում յառաջ բերելու հա-  
մար , եւ քթին ծակերուն մէջ խոթել  
փոնգտացունելու համար : Միանգամայն

քացախ կամ քոլոյնի ջուր բռնել քթին :  
Այս ամենը պէտք է ընել մինչեւ որ  
բժիշկը համնի :

Եթէ բժիշկ չգտնուի կամ ուշանայ ,  
պէտք է ջանալ օդ մտցունել հիւանդին  
թոքերուն մէջ , փողակ մը խոթելով բե-  
րանն , եւ փքոցի մը միջոցաւ օդը մեղ-  
մարար մլել կոկորդն ի վար . կամ փքո-  
ցին փողակը քթին ծակը խոթել եւ մեղ-  
մով փչել , քթին միւս ծակն ու բերանը  
գոցելով :

Երբեմն քանի մը ժամ աշխատիլ հարկ  
կը լինի հեղձեալ մ'ի կեանս վերածելու  
համար : Երբ զգացման նշաններ ցոյց տալ  
սկսի , տաքսուկ անկողնի մը մէջ կը պառ-  
կեցունեն եւ քանի մը դրգալ շաքարա-  
խառն տաք գինի կամ օդի կը խմցունեն :  
Եթէ դէմքը կարմրած է , լեմոնջուր կը  
խմցունեն եւ ոչ ոգելից ըմպելի : Միան-  
գամայն մանախոյ խիւս կամ քարտ կը  
դնեն սրունքներուն :

35. Նախնական դարմանի յանկարծա-  
կան հիւանդութեանց եւ պատահարաց

Անշնչացում : Օդ չառնող սենեկի մէջ

փայտի ածուխ վառելով անշնչացեալը  
պէտք է անմիջապէս օդի ներկայել. յե-  
տոյ իւր անկողնին մէջ դնել՝ գլուխը  
վեր, քացախով խառն ջուր սրսկել երե-  
սին եւ մարմինը շփել՝ մանաւանդ կուրծ-  
քը՝ քոլոյնի ջրոյ մէջ թաթխեալ ասուե-  
կտաւով, միանգամայն ջրախառն անու-  
շադրակ կամ քացախ բռնել քթին, փե-  
տուրի կակուղ ծայրով ռունգերը գըրգ-  
ռել եւ շնչառական շարժումներ ձեւա-  
ցունել: Վերջապէս, եթէ տակաւին չու-  
շաբերի եւ բժիշկն ուշանայ, ջրահեղձ-  
ներուն համար նշանակուած կերպիւ օդ  
մոցունել թոքերուն մէջ եւ անդադար  
շփել: Տեսնուած են անշնչացեալք, որք  
չորս ժամ շարունակ դարմանուելէ յե-  
տոյ ուշաբերած են:

Սաստիկ ցուրտէ անշնչացեալը, զր  
մեք սառած կը կոչեմք, պէտք է առանց  
կրակի սենեակ մը փոխադրել: Եթէ մար-  
մինը տակաւին կակուղ է եւ ոչ կարծ-  
րացած, պէտք է մերկացունել եւ պալ  
ջուրի մէջ թաթխեալ կտաւով պատել.  
իսկ եթէ մարմինը կարծրացած է, պալ  
ջուվ ի լոգարանի մը մէջ դնել, եւ քիչ  
քիչ ջուրը տաքցունել քառորդէ ի քա-

ռորդ: Երբ մարմինը կակզանալ սկսի,  
պէտք է շփել կուրծքը, կողերը, թեւերն  
ու սրունքը, նախ ձիւնով, եթէ կայ,  
կամ պաղ ջուրի մէջ թաթխեալ լաթե-  
րով, եւ տակաւ տաքցունել ջուրն: Երբ  
մարմինը քիչ մը տաքնայ եւ շնչառու-  
թիւնը վերսկսի, պէտք է հիւանդը մարմ-  
նոյն հաւասար տաքութեամբ անկողնի  
մը մէջ դնել եւ թեթեւ վերսկսկով մը  
ծածկել: Սենեակին մէջ կրակ պէտք չէ  
վառել. եթէ հիւանդը կրնայ իսմել, քա-  
նի մը դրգալ պաղ ջուր տալ քանի մը  
կաթիլ օղիով կամ քոլոյնի ջրով խառն:

Արեւու տաքէն անշնչացեալը պէտք է  
անարեւ տեղ մը փոխադրել, հանդերձ-  
ներն հանել կամ թուցունել, եւ ոտնե-  
րը քացախով կամ աղով խառն տաք ջու-  
րի մէջ դնել քառորդ ժամու չափ: Միան-  
գամայն գլխուն, ճակտին եւ քունքե-  
րուն վրայ պաղ ջուրի մէջ թաթխեալ  
լաթեր դնել, երեսներն ու աշերը սըր-  
բել պաղ ջուվ, եւ իրեն ալ քացախով  
խառն պաղ ջուր խմբունել յաճախ մանր  
գաւաթով: Եթէ բժիշկն ուշանայ, հի-  
ւանդին ականջներուն ետին հինգական  
տղրուկ փակցունել: Գինի կամ ուրիշ

որ եւ է ոգելից ըմպելի պէտք չէ տալ։  
Կայծակէ անշնչացեալը պէտք է օդա-  
ւէտ տեղ մը փոխազրել, հանդերձներն  
հանել եւ ա՛ժոռի մը վրայ նստուցնել՝  
գլուխն ուղղապէս բարձր։ Մնացեալն ա-  
րեւու տաքէն անշնչացելոց նման։

Գինիէ կամ այլ ոգելից ըմպելիներէ  
անշնչացեալն՝ ածուխէ անշնչացելոց նման  
կը դարմանուի։

36. Նախնական դարմանի յանկար-  
ծական նիւանդութեանց եւ  
պատահարաց։

Այրուց։ — Առաջին դարմանն է պաղ  
ջուրի մէջ թրջած լաթ դնել վրան եւ  
յաճախ փոխել. յետոյ կակուղ բամբա-  
կով ծածկել եւ զգուշանալ որ օդ չառ-  
նու։ Եթէ մորթն ուռած լինի, պէտք է  
ծակել ասեղով վարի կոզմէն եւ մէջի ջու-  
րը պարպել՝ առանց մորթն հանելու, եւ  
ապա կատարել պաղ ջուրի գործողու-  
թիւնը։ Բժիշկներէ ոմանք կը պատուի-  
րեն հաւասար չափով կրի ջուր եւ ձէթ  
խառնել միմեանց հետ եւ անով պատել

այրածն. ոմանք ալ կը պատուիրեն բրնձի  
կամ գետնախնձորի ալիւր դնել վրան։  
Վերի կամ խոցուածի. — Պէտք է լուալ  
վէրքը պաղ ջրով՝ եթէ առատ արիւն կը  
հոսէ. իսկ եթէ ոչ, գաղջ ջրով, եւ գի-  
տել որ մէջն օտար նիւթ կամ մարմին  
չգտնուի։ Վէրքը մաքրուելէ եւ արիւնը  
գաղքրելէ յետոյ, պէտք է բարակ լաթով  
մը սրբել, վէրքին երկու շրթունքն իրա-  
րու կցել եւ սպանդարպէ (սբարատրա)  
կամ անգլիական դիպակէ (թափթա  
անկլէ) երիզ մը փակցունել վրան։ Եթէ  
վէրքին բերանը մեծ է եւ առատ արիւն  
կը հոսէ, երկու շրթունքն իրարու մօ-  
տեցունելէ յետոյ՝ ծալլած թաշկինակ մը  
դնել վրան եւ լաւ մը կապել։ Այս պա-  
րագայի մէջ քիչ մ'եթեր կամ քոլոյնի  
ջուր եւ կամ քացախ չնչել կուտան վի-  
րաւորին։ Եթէ վէրքը բորբոքի, կակլա-  
ցուցիչ խիւս կը դնեն վրան. իսկ եթէ  
դեղնի, պաղլեզի փոշի կը ցանեն։

Խածուածի. — Երբ մէկը խածնուի  
կատղած կամ կատաղի կարծուած շունէ,  
իսկոյն պէտք է երիզով կապել վէրքին  
վերի կողմէն, վէրքն ուժով մը սեղմելով  
արիւնը դուրս վազցունել, եւ երկաթ մը

Հրաշէկ տաքցունելով՝ խածուած տեղն  
այրել խորապէս։ Ո՞րչափ առաւել տաք  
լինի երկաթն, ա՞յնչափ նուազ զգալի կը  
լինի խարումն։

Օձէ կամ որ եւ իցէ թունաւոր զեռու-  
նէ խածնուողին ալ նախապէս եւ անմի-  
ջապէս նոյն դարմանը պէտք է տալ, այ-  
սինքն խայթեալ անդամը վերի կողմէն  
կապել, եւ ապա վէրքը սեղմելով խա-  
րել, (ատրաշէկ երկաթով այրել)։ Յե-  
տոյ երկու դրգալ ձէթէ եւ մէկ դրգալ  
անուշադրակէ կազմուած բաղադրու-  
թեան մէջ լաթ մը թաթխելով վէրքին  
վրայ դնել, եւ հիւանդն անկողնի մը մէջ  
պառկեցունելով, ոտներուն տակը տաք  
ջուր դնել սրուակներով, եւ երիցուկի  
կամ նարնջածաղկի տաք ջուր խմբունել։

37. Նախնական դարմանի յանկար-  
ծական հիւանդութեանց եւ  
պատհարաց։

Շնչերակի հատում. — Սուր դանակ եւ  
այլ հատու գործիներ գործածող տնա-  
րարք եւ այլ անձինք կրնան երբեմն ի-

րենց ձեռքը կամ այլ որ եւ իցէ անդա-  
մը վտանգաւոր կերպիւ վիրաւորել։ Արդ՝  
երբ չնչերակ մը կտրուելով առատ ա-  
րիւն հոսէ, որ կրնայ մինչեւ իսկ մահ  
պատճառել, ամեն ձիգ պէտք է թափել  
արեան հոսումն արգիլելու համար։ ուս-  
տի պէտք է մատով ուժգնապէս կոխել  
վէրքին կամ մանաւանդ կտրուած չնչե-  
րակին վրայ եւ այնպէս սպասել բժշկին  
հասնելուն, թէ եւ քանի մը ժամ հարկ  
լինի։ Սյս պարագայի մէջ քանի մ'ան-  
ձինք փոխանակաւ կըյաջորդեն միմեանց։  
Եթէ վէրքին տեղը ներէ, այսինքն՝ եթէ  
ոտքի, սրունքի, ձեռքի կամ թեւի վրայ  
լինի, վէրքին վերի կողմէն պէտք է կա-  
պել երիզով, որպէս զի արիւնն հնար ե-  
ղածին չափ արգիլուի չնչերակին մէջ։

Կարուած. — Կաթուածի նշաններն  
են՝ երեսաց կարմրութիւն եւ անընդհատ  
չնչառութիւն։ Սպասելով բժշկին գալրս-  
տեան, պէտք է հիւանդը զով տեղ մը  
դնել, գլուխը բարձր, ոտները վար, հա-  
գուստները թուլցունել, ոտները տաք-  
ցունել, մանանիսոյ խիւս կամ քարտ  
պատցունել սրունքներուն ու դաստակ-  
ներուն վրայ, կուրծքն ու անդամներն

ուժով մը շիել տաք քացախով կամ գո-  
հոլով, զգին երկու կողմը պաղ ջուրի մէջ  
թաթխուած լաթեր դնել, որ եւ է հե-  
զուկ չխմցունել, որ եւ է ոգելից դեղ  
կամ հեղուկ չհոսութացունել, որպէս  
փի չփունգտայ հիւանդը:

Նուաղում, թաղուկ: — Եթէ մէկը մա-  
րի կամ նուաղի, այսինքն՝ երբ յանկարծ  
գէմքն այլագունի եւ չնչառութիւնը  
դադրի, պէտք է իսկոյն պառկեցունել  
զայն գետնի վրայ կամ անկողնոյ մէջ,  
այն կերպիւ որ գլուխը մարմնէն բարձր  
չկենայ, հագուստին կապերը կամ կո-  
ճակները քակել, պաղ ջուր սրոկել երե-  
սին վրայ, քացախ կամ քոլոյնի ջուր կամ  
եթեր բռնել քթին եւ հոտոտել տալ. ե-  
թէ այսչափով չուշաբերի, մանանխոյ  
իմիւս կամ քարտ դնել սրունքներուն,  
միանգամայն անուշադրակով եւ քափու-  
րախառն գոհոլով խառն ջուրի մէջ թաթ-  
խուած լաթեր դնել քունքերուն վրայ  
եւ դաստակներուն շուրջը:

Մկնաձօռնում. — Երբ տղու մ'աչերը  
փայլին անթարթ եւ արագ արագ ցըն-  
ցուին, բերանը փրփրի, ծնօտը դողդո-  
ղայ, գլուխը գէպ ետին կամ աջ ու ձախ

ընկնի, չնչառութիւնն ընդհատի ճշիւ,  
երեսը կծկի եւ կապոյտ գոյն մ'առնու,  
մինաձգտում եկած է վրան:

Իսկոյն պէտք է հանուեցունել, որպէս  
զի ազատ չնչառութիւն ունենայ, եթեր  
կամ քացախ չնչել տալ, պաղ ջուրի մէջ  
թրմեալ լաթեր դնել ճակտին վրայ՝ յա-  
ճախ փոխելով, սրունքներուն վրայ մա-  
նանխոյ պաղ իմիւս կամ քարտ պտտցու-  
նել, կուրծքն ու ողնայարը շիել ասուե-  
կտաւով կամ ձեռքով, գրեխ տալ կա-  
տոււխստի (վալէրիան) արմատին իրար-  
շաղրով, միանգամայն քանի մը կաթիլ  
նարնջածաղկի ջրով կամ պատրինջով (մէ-  
լիս) եւ կամ անգլիական անանխով իրառն  
պաղ ջուր խմցունել:

### 38. Դարմանի մանր կամ թերեւ պատահարաց ոմանց.

Արիւնահոսումն յրենչաց. — Այլ եւ այլ  
միջոցներ կան քթի արիւնահոսումը դադ-  
րեցունելու: Խոր հառաջանք արձակել  
քանի մ'անգամ իրարու ետեւէ: Արիւ-  
նահոս ուունգին հակառակ կողման թեւը  
վեր բռնել, քացախով կամ պաղեղով

իսուն պաղ ջուր կամ պաղլեղի եւ կամ  
բեւեկնոյ չոր խէժի փոշի քաշել քիթն ի  
վեր, պաղ ջրով թրմեալ լաթեր դնել  
ճակտին քթին եւ քունքերուն, մանան-  
խոյ խիւս կամ քարտ դնել սրունքնե-  
ռուն:

Ճմլումն . — Կը պատահի շատ անդամ-  
որ մարդ ընկնելով կամ որ եւ է հարուած  
մը կրելով՝ մարմոյն մէկ կողմը կը ճմլի  
առանց վիրաւորուելու կամ կորուելու :  
Այս պարագայի մէջ լաւագոյն դարմանն  
է պաղ ջուրի մէջ թրմեալ լաթ դնել  
վրան եւ ստէպ փոխել: Եթէ կապուտ-  
ցած կամ սեւցած լինի, աղի ջուր կամ  
քափուրախառն օղի գործածել պաղ ջու-  
րի տեղ: Եթէ մորթը սկրդուած լինի,  
քափուրախառն մոմձէթով ծածկել:

Գաղարումն ոտից . — Անմիջապէս պաղ  
ջրով լի տաշտի կամ դոյլի մը մէջ պէտք  
է դնել ոտքն՝ հնար եղածին չափ երկար  
ժամանակ. յետոյ՝ ջուրէն հանելով՝ պաղ  
ջուրի մէջ թրմեալ լաթ դնել վրան եւ  
ստէպ փոխել, որպէս զի չտաքնայ: Եթէ  
ուռեցք գտնուի, քափուրախառն գոհով  
գործածել ջուրի տեղ, եւ ոտքն երկըն-  
ցուցած նստիլ՝ մինչեւ որ անցնի: Բժիշկ-

ներէ ոմանք ուժով շփել կուտան թե-  
թեւ գալարումները :

Կարկանութիւն կամ կծկումն մկանց ո-  
տից . — Պէտք է ուժով կապել այն սրուն-  
քը ծունդէն վար: Եթէ ասով չանցնի,  
ձեռքով կամ բթամատով ճմլել ոտքին  
կամ սրունքին մկունքն եւ մերկ ոտքով  
կոխել տախտակամածին վրայ :

Խայրուած մեղուի, մեղի կամ պիծա-  
կի . — Պէտք է հանել խայթոցն եւ վրան  
քանի մը կաթիլ անուշաղրակ դնել: Ե-  
թէ այս չգտնուի, աղի կամ կրի ջուր  
դնել վրան. իսկ եթէ քանի մը ժամ յե-  
տոյ բորբոքում գոյանայ, կաթի մէջ թըր-  
ջած հացի փշրանք կամ ցեխ դնել վրան :

Եղունդ կամ պաղար . — Կտաւատի ա-  
լիւրէ խիւս կամ լեմոնի շերտ պէտք է  
դնել վրան եւ յաճախ փոխել, որպէս զի  
չչորնալով կակզի: Երբ հասունայ, ճնշել  
չորս կողմէն եւ մէջի շարաւը դուրս հա-  
նել:

Զմեռնակ կամ ցուրտի խայրուած . —  
Եթէ կեղ կամ վէրք գոյացած չէ, կոլո-  
դիոն (եթերի մէջ լուծուած բամբակեայ  
վառող) պէտք է դնել վրան. իսկ եթէ  
ճեղքրտուած կամ կեղ գոյացած լինի,

պարզ քաղցուենիով (կլիսէրին) պատել։  
Հեծկուով. — Գաւաթ մը ջուր կամ  
ջրախառն գինի ծանր ծանր խմել առանց  
չնչառութեան, կամ ընչախոտ քաշելով  
փոնդտալ։ Բուռն սրտայուղում կամ  
զարմանքն ալ շատ անդամ կը դադրե-  
ցունէ հեծկուուքը։

Օսար մարմին կոկորդի, յրի, աչաց  
եւ ականջաց մէջ։ — Երբ կոկորդի մէջ  
ոսկը, փուշ, կորիզ կամ այլ նիւթ մտնէ  
եւ արգիլուի, պէտք է փսխում յառաջ  
բերել մատով կամ ուրիշ միջոցներով։ Եր-  
բեմն պատառ մը հաց ուտելով՝ արգի-  
լեալ նիւթը կոկորդն ի վար իջնելու կը  
հարկադրեն։

Քթի մէջ արգիլուած նիւթն հանելու  
համար՝ փոնդտալ պէտք է՝ ընչախոտ  
կամ ձէթ քաշելով քթին մէկ ծակէն եւ  
միւս ծակի գոցելով։

Երբ օտար մարմին մը մտնէ աչքի վե-  
րին կոպին տակ, պէտք է երկու մատով  
բռնել վար քաշել այն կոպը մինչեւ վա-  
րի կոպին վրայ, եւ քիչ ժամանակ այն-  
պէս բռնած կենալէ յետոյ թող տալ.  
յորդ արտառուք մը վագելով՝ օտար մար-  
մինն ալ ի միասին վար կ'իջուցնէ։

Ականջի մէջ մտած ճանձիկը կամ մի-  
ջատը դուրս հանելու համար՝ պէտք է  
ձէթ կաթեցունել ականջին մէջ եւ ապա  
գլուխը դէպ այն կողմ ծռել. ձէթին հետ  
միջատն ալ դուրս կ'ենէ։

### 39. Ողջապահական խրաժ եւ առածք.

1. Մեր կեանքն երկարելու բոլոր  
գաղտնիքը՝ զայն մեր ձեռօք չկարձեցու-  
նելուն մէջն է։

2. Բնութեան օրէնքները չկատարելն  
անձնասպանութիւն գործել է։

3. Երկու բան կայ, որոց յարգն այն  
ժամանակ կը ճանչեմք՝ երբ անդառնակի  
կերպիւ ելած են մեր ձեռքէն. երիտա-  
սարդութիւն եւ առողջութիւն։

4. Հիւանդ եղած ժամանակդ զքեզ  
խնամել յոյժ լաւ է արդարեւ, բայց ա-  
ւելի լաւ է առողջ եղած ժամանակդ  
խնամել։

5. Լաւագոյն բժիշկը՝ բնաւ բժշկի պէտք  
չունենալն է։ Երկու լաւագոյն բժիշկ  
կայ, Սլխատութիւն եւ Սակաւապիտու-  
թիւն։

6. Վատ օդն աւելի մարդ կը սպաննէ  
քան սուրբ : Մարդկային շունչը մահա-  
բեր է մարդու :

7. Օդը շնչառութեան կերակուրն է :  
Ինչպէս որ արդէն կերուած բանը նորէն  
չու տուիր , նոյնպէս արդէն շնչուած օդը  
պէտք չէ նորէն շնչել : Ուստի պարտիմք  
յաճախ նորոգել մեր բնակարանաց օդը :

8. Տունը կը շինուի՝ ոչ թէ դուրսէն  
վրան նայելու՝ այլ մէջը բնակելու հա-  
մար . ուստի առաւել ներքին հանգստա-  
ւէտութեանն ուշադիր պէտք է լինիլ՝  
քան արտաքին գեղեցկութեան : Աւելի  
լաւ՝ եթէ երկուքն ալ ունենայ :

9. Մութ տուն , խոնաւ տուն , վատա-  
ռողջ բնակիչք . ամեն տեղ եւ ամեն ժա-  
մանակ փորձով հաստատեալ ճշմարտու-  
թիւն մ'է :

10. Ամեն բանի մէջ չափաւորութիւն :  
Ուտել՝ ապրելու , եւ ոչ ապրիլ՝ ուտելու  
համար : Զգուշացիր շատակերութենէ :

11. Մի՛ ուտեր աճապարանօք , այլ  
ծանրութեամբ եւ ինամով : Մանաւանդ  
մի՛ կլներ առանց լաւ մը ծամելու : Պէտք  
չէ մոռնալ թէ ակռաները բերնին մէջն  
են եւ ոչ ստամոքսին :

12. Երբ քրտնած լինիս , զգուշացիր  
անձրեւէ , հովէ , խոնաւութենէ եւ օդա-  
հոսանքէ :

13. Երբ հանդերձներդ թրջած լինին  
անձրեւէ , փութա փոխել , նոյնպէս գուլ-  
պաներդ՝ եթէ թաց լինին :

14. Ամրան տաքերուն ժամանակ զգու-  
շացիր պաղ ջուր խմելէ , երբ յոդնած  
կամ քրտնած լինիս :

15. Ջրոյ նուազութիւն՝ հիւանդու-  
թեան առատութիւն : Պաղ ջուր եւ մա-  
քուր ող , երկու լաւ բժիշկներ են :

16. Ջանա մաքուր լինիլ , նախ քեզ  
համար , յետոյ այլոց համար . ոչ միայն  
մարմինդ մաքուր պէտք է լինի , այլ եւ  
հանդերձներդ :

17. Անմաքրութիւնն ոչ միայն մարմ-  
նոյ վնասակար է , այլ եւ սրտի անարա-  
տութեան :

18. Դատարկութիւնն , անկանոն սը-  
նունդն եւ հեշտութիւնն ամենէն կորո-  
վի մարմինները կը տկարացունեն . իսկ  
աշխատութիւնն ու մարգանքն ամենէն  
տկարները կ'ուժովցունեն :

19. Խնամէ ակռաներդ որպէս զի չփը-  
տին : Փտած ակռա , տկար ստամոքս ,

հիւանդ մարմին, անբաժան ընկերներ են :  
20. Աղջկանց վրայ գլխու ցաւ, ստա-  
մոքսի կծկումն եւ չլացաւ, ողջպահիկ  
կանոնաց բացակայութիւն կը նշանակեն :

---

### Հարցարան .

20. Ի՞նչ է առողջաբանութիւնն եւ  
ի՞նչ բանի կը ծառայէ :

21. Ո՞յք են մանկանց եւ առհասարակ  
ամեն մարդոց առողջութիւնը պահպանե-  
լու գլխաւոր միջոցք : — Ի՞նչպէս պար-  
տին լինել կերակուրք ընդհանրապէս :  
— Մանր տղայք օրը քանի՞ անգամ պար-  
տին ուտել : — Ի՞նչ պարտի լինել ա-  
պաքինելոց եւ տկարակազմ անձանց սը-  
նունդն : — Ո՞յք են (Կ. Պոլսոյ) ձկանց  
եւ պտղոց պմենէն փափուկ ու դիւ-  
րամարսներն : — Ո՞յք են լաւագոյն ըմ-  
պելիք :

22. Ո՞յք են զգուշական միջոցք ընդ-  
դէմ հիւանդութեանց : — Ի՞նչ զգուշու-  
թիւն հարկ է բնակարանի մասին : —  
Քրտնած անձ մ' ի՞նչ զգուշութիւններ  
պարտի ընել : — Զգեստուց եւ կօշկաց

մասին ի՞նչ զգուշութիւնք պէտք են : —  
Ցած կամ քարուկիր սենակներ տաքցու-  
նելու մասին ի՞նչ զգուշութիւն հարկ է :

23. Ի՞նչ զգուշութիւնք պէտք են տղա-  
յոց համար՝ մարմնոյ տձեւութեանց եւ  
խեղաթիւ բմանց դէմ : — Ո՞րն է տղու մը  
բնական դիրքը ոտքի վրայ կեցած, նըս-  
տած, կարդացած կամ գրած ժամանակ :  
— Ի՞նչ դիրք պարտի ունենալ աղջիկ մը  
կար կարած եւ գաշնակ ածած ժամա-  
նակ : — Ի՞նչ օգուտ ունին մարմնամար-  
զական աշխատութիւնք :

24. Ո՞յք են ապականեալ օդերն ու  
ժանտահոսութիւնները մաքրելու մի-  
ջոցք : — Ի՞նչպէս կը գործածուին կրի  
քըրուտն եւ փենական թթուն : — Ու-  
րիշ ի՞նչ ժանտահալածք կան :

25. Ո՞յք են համաճարակ եւ տարա-  
փոխիկ հիւանդութիւնք : — Ի՞նչ նախա-  
զգուշական միջոցք կան տարափոխիկ հիւ-  
անդութեանց դէմ : — Ի՞նչպէս պարտին  
վարուիլ տարափոխիկ հիւանդութիւն  
խնամողք կամ հիւանդապահք : — Ի՞նչ  
զգուշութիւն պարտին ընել մայրերն :  
— Ի՞նչպէս կեանք պէտք է վարել հա-  
մաճարակ հիւանդութեան ժամանակ :

26. Ի՞նչ է հիւանդապահ մօր կամ կնոջ պաշտօնն ու դիրքը : — Տան մը մէջ ծանր հիւանդ մը գտնուած ժամանակ ի՞նչ պէտք է ընել եւ ի՞նչպէս վարուիլ : — Ուրիշ ի՞նչ պարտականութիւններ ունի հիւանդապահն :

27. Ի՞նչպէս կը փոխեն ծանր հիւանդի մը կտաւիքն ու հանդերձներն : — Ի՞նչ պէտք է ընել հիւանդին անկողինը մաքուր պահելու համար : — Տարափոխիկ հիւանդութեամբ վարակեալի մը լաթերն ու կտաւիքն ի՞նչպէս պէտք է մաքրել :

28. Ի՞նչպէս պէտք է խնամել ապաքինեալն եւ ի՞նչ զգուշական միջոցներ ի գործ դնել հիւանդութիւնը չնորոգուելու համար :

29. Դեղորէից մասին ի՞նչ կարեւոր գիտելիք կան մայրերու եւ առ հասարակամեն տիկնայց համար : — Ի՞նչ են այդ կարեւորագոյն գեղորայք : — Ոյք են գլխաւոր մաքրողականք :

30. Ի՞նչպէս կը պատրաստուին ու կը գործածուին մի քանի յոյժ սովորական դեղեր : — Ոյք են գլխաւոր բուսական ըմպելիք կամ խարշաջուրք եւ ի՞նչպէս կը պատրաստուին :

31. Ոյք են կակղացուցիչ խիւսք եւ ի՞նչպէս կը պատրաստուին ու կը գործածուին : — Ոյք են գրգռիչ խիւսք եւ ի՞նչպէս կը պատրաստուին ու կը գործածուին : — Ո՞րն է լաւագոյնը :

32. Ի՞նչպէս կը գործածուի խարանն : — Ի՞նչպէս կը գործածուին տղրուկներն :

33. Ոյք են թունաւորմանց գէմ ի գործ գրուելիք նախնական եւ անմիջական դարմանք : Ոյք են ժանդէ, նեխեալմիսէ կամ ձուկէ, սունկէ, բուսային թըմրեցուցիչ թոյներէ, մկնդեղէ եւ փոսիորէ թունաւորելոց դէմ ի գործ գրուելիք անմիջական դարմանք :

34. Ոյք են ծովու կամ գետի մէջ ընկզմելով անշնչացելոց վրայ ի գործ գրուելիք նախնական դարմանք :

35. Ոյք են փայտի ածուխէ, սաստիկցուրտէ, արեւու տաքէ, կայծակէ եւ ողելից ըմպելիներէ անշնչացելոց վրայ ի գործ գրուելիք նախնական դարմանք :

36. Ի՞նչ են այրուցքի, խոցուածքի եւ խածուածքի դէմ անմիջապէս ի գործ գրուելիք դարմանք :

37. Ի՞նչ են չնչերակի հատման, կաթուածի, նուաղման եւ մկնածգտման դէմ

ի գործ դրուելիք նախնական դարմանք :

38. Ի՞նչ են քթէն արիւն դալու , ճըմ-լուելու , ոտքը գալարելու , կարկամութեան , մեզուի խայթուածի , ելունդի , ցուրտէ խածուածի , հեծկլուուքի ; կոկորդի քթի աչաց եւ ականջաց մէջ մըտած օտար մարմիններու դէմ ի գործ դրուելիք դարմանք :

39. Ի՞նչ խրատներ ու առածներ կ'աւանդէ առողջաբանութիւնն :



### ՍԱՍՆ Դ.

ԸՆԿԵՐԱԿԱՆ ՊԱՐՏԱԿԱՆՈՒԹԻՒՆՔ



40. Բարեկրթութիւն .

Ընկերութեան մէջ այնպիսի մարդավարական սովորութիւնք եւ պատշաճից օրէնք կան , զորս ուսանելու եւ յարդելու պարտաւոր եմք : Հետեւաբար տան տիկնայց կամ տանտիկնութեան պատրաստուող օրիորդաց եւ ընդհանրապէս ամեն աղջկանց անհրաժեշտ է գիտնալ այն օրէնքներն ու սովորութիւններն , եւ իրենց կենցաղավարութեան կանոն ընել : Յիշենք մի քանին :

Ընկերութեան կամ գումարմանց մէջ տիկնայք եւ օրիորդք պարտին ունենալ համեստ կեցուածք , վայելուչշարժմունք , բնական եւ չնորհալի դէմք , զգուշանալթեթեւ արհամարհոտ կամ գոռող ձեւերէ , շարունակ ծիծաղելէ , բարձրաձայն եւ շատ խօսելէ , որ եւ է կրից

արտայայտութենէ : Եթէ անպատեհ կամ վիրաւորիչ բան մը տեսնեն կամ խօսք մը լսեն, պարտին ծածկել իրենց զգացած դժգոհութիւնը, մինչեւ իսկ զայրոյթն, եւ եթէ կարելի չլինի բոլորովին լուռ կենալ կամ շտեսնելու զարնել, անխոռով հանդարտութեամբ եւ քաղաքավարութեամբ պարտին պատասխանել :

Նմանապէս ներելի չէ տիկնոջ կամ օրիորդի մը՝ ընկերութեան մէջ պարծիլ իւր ազգատոհմին, իւր հարստութեան կամ իւր յարաբերութեանց վրայ :

Զբօսավայրերու մէջ, բազմութեան առջեւ, ներելի չէ կնոջ կամ աղջկան՝ բան ուտել, մատով մարդ ցուցնել, եւ հանդիպած անձանց նայելու համար ետին դառնալ :

Տիկնոջ եւ մանաւանդ աղջկան մը ներելի չէ իւր լրւաննկարը տալ արանց, եթէ ազգական չեն :

Աղջկան մը ներելի չէ ուրիշի նամակ գրել՝ առանց իւր մօր գիտութեանն ու հաւանութեան :

Ուրիշի ուղղեալ նամակ մը բանալ ներելի չէ բնաւ բայց աղջկան մը մայրը կընայ եւ պարտի բանալ իւր աղջկանն

ուղղեալ նամակն եւ պարունակութիւնն իմանալ :

Վերջապէս տանտիկնայք եւ տանտիկնութեան պատրաստուող օրիորդք եւ առհասարակ աղջկունք պարտին ընկերական ամենամանր պարտականութեանց եւ առաքինութեանց մէջ չթերանալու փոյթ ունենալ :

#### 41. Այցելութիւնն .

Այցելութիւնք կը սեղմեն ընտանեկան եւ ընկերային կապերն : Երկու տեսակ են այցելութիւնք . անհրաժեշտ եւ կամաւոր : Առաջին կարգէն են՝ ամանորի, ուրախական կամ տրտմական դէպերու, ինչպէս նաեւ ձաշի հրաւիրուած լինելու առթիւ տրուած այցելութիւնք :

Ամանորի այցելութիւնք երեկոյէն կը սկսին առ ծնողս եւ առ մեծս : Նոյն օրը մերձաւոր ազգականաց եւ ակնածելի անձանց : Հետեւեալ օրերն ալ բարեկամաց եւ ծանօթից : Ընդունուած այցերու փոխարէնը պէտք է հատուցանել առանց երկար յապաղման :

Ազգականաց կամ բարեկամաց հիւան-

գութեանց առթիւ այց տալն եւ նոցա-  
վիճակին վրայ լուր հարցնելը մարդավա-  
րական պարտականութիւն է :

Աղջկան մը կամ օրիորդի մը ներելի չէ  
այցելութիւն տալ առանց հաւանութեան  
իւր ծնողաց եւ առանց հետը մեծ մ'ու-  
նենալու :

Այցելութիւնք սովորաբար կէս օրէն  
երկու ժամ յետոյ կը կատարուին մինչեւ  
ժամ հինգ :

Երբ այցելու մը դահլիճէն ներս մտնէ,  
պարտի ուղղապէս տանտիրուհւոյն մօտ  
երթալ եւ յարդանօք ողջունել . ապա-  
դառնալ անդ գտնուող այցելուաց եւ  
այլոց , եւ զանոնք ալ ողջունել : Եթէ  
նոցա մէջ մտերմագոյն բարեկամուհի մը  
գտնուի , քանի մը սիրալիր խօսք ուշ-  
ղել նմա :

Եթէ նոյն միջոցին ուրիշ անձանօթ այ-  
ցելու մը կամ այցելուներ ներկայանան ,  
պէտք չէ անմիջապէս մեկնիլ , այլ քանի  
մը վայրկեան կենալէ յետոյ :

Եթէ այցելու տիկինն հասակաւոր է ,  
ներկայ գտնուող կանայք ոտքի վրայ  
կ'ելնեն . իսկ եթէ ոչ , գլխով կ'ողջու-  
նեն :

Այցելուի մը մեկնած ժամանակ , տան-  
տիկինը նորա աստիճանին համեմատ ա-  
ւելի կամ պակաս կ'ընկերակցի նմա : Ե-  
թէ այր է , մինչեւ դահլիճին գուռն , իսկ  
եթէ կին , մինչեւ սանդուղին գլուխը :  
Շատ անգամ տանուտիք այրերը կ'ընկե-  
րակցին այցելու տիկնանց՝ մինչեւ նոցա  
կառքին քով :

Այցելու տիկնայք եւ օրիորդք պար-  
տին զգուշանալ ամեն բան աչքէ անցու-  
նելու կամ դիտելու երեւոյթ ունենալէ ,  
ձեռնոցներն հանելէ , ոտներն իրարու  
վրայ դնելէ կամ տնկելէ :

Այցելութիւն ընդունող տանտիկինը  
պարզ հագուած պէտք է լինի , որպէս զի  
փարթամութիւն ցուցնելու երեւոյթ չու-  
նենայ :

#### 42. Կոչունի կամ հաւ .

Ճաշի հրաւէրք ութ օր առաջ կը զըր-  
կուին գրով կամ բանիւ : Եթէ հրաւէ-  
րեալը չուզէ կամ չկրնայ ընդունիլ , պար-  
տի անյապազ պատասխանել՝ ներում  
խնդրելով : Պատասխան չգրելն ընդունիլ  
կը նշանակէ :

Ճաշի ներկայ գտնուողը պարտի մին-  
չեւ ութ օր շնորհակալութեան այց մ'ը-  
նել ճաշատուին :

Ընդհանրապէս լաւ է չքնդունիլ ճաշի  
հրաւէրն, եթէ տրամադիր չէ ոք փոխա-  
դարձաբար ի ճաշ հրաւիրել ճաշատու  
ընտանիքը :

Ճաշին ճամանակ ճաշարանը մտնելու  
համար՝ կանայք պարտին սպասել որ գան-  
իրենց թեւը մտնեն, Պէտք է թոյլ տալ  
որ նախ տարիքով կամ աստիճանաւ մե-  
ծերը ներս մտնեն: Երբ իրենց բազմելու  
աթոռուին քով տարուին, կանայք իրենց  
գլխովը շնորհակալութիւն կը յայտնեն  
իրենց թեւը մտնող կոչնականին: Տան-  
տիկնոջ պարտքն է հրաւիրեալները բազ-  
մեցունել իւրաքանչիւրն իրեն վայելուչ  
տեղը. կիներն ու այրերն յաջորդաբար  
իրարու քով ըստ պատշաճի: Եթէ տեղե-  
րը պնակաց վրայ դրուած անուանական  
տոմսակներով նշանակուած են, հրաւի-  
րողաց պարտքն է օգնել կոչնականաց,  
որպէս զի դիւրաւ եւ չուտով գտնեն ի-  
րենց նստելու տեղը:

Սեղանին կը նախագահ է տանտիկինը -  
նորա աջ ու ձախ կողմերը կը բազմին

հրաւիրելոց գլխաւորները: Տանտիկինոջ  
դիմացը կը նստի տանուտէրն, որոյ աջ  
ու ձախ կողմերը նոյնպէս պատուաւոր  
կը համարուին :

Թանը նախապատիւ տեղէն սկսեալ կը  
բաժնուի. իսկ միւս կերակուրք տիկնանց  
կը տարուին նախ:

Ճաշի միջոցին տանտիկինոջ պարտքն է  
կսկել որ սպասարկութիւնք կանոնաւո-  
րապէս կատարուին: Պարտի զգուշանալ  
սպասաւորները կշտամբելէ, մինչեւ իսկ  
եթէ յախճապակէ անօթ կամ բիւրեղ  
կոտրեն: Իւր ամեն դիտողութիւններն  
ու հրամանները ցած ձայնիւ եւ հան-  
դարտ կերպիւ պարտի ընել:

Փափկութեան հակառակ է ստիպել  
կոչնական մը, որ ուտել չուզած մէկ կե-  
րակուրն անպատճառ ուտէ: Այս մասին  
կատարեալ ազատութիւն պէտք է թո-  
ղուլ կոչնականաց :

#### 43. Ման եւ յուղարկաւորութիւն.

Երբ իւր ընտանիքէն մէկը կորուսանե-  
լու դժբաղդութիւնն ունենայ ոք, ան-  
միջապէս կը ծանուցանէ իւր ազգակա-

նաց եւ մտերիմ բարեկամաց, ինքնին  
կամ ուրիշի ձեռամբ գրելով։

Յուղարկաւորման հրաւէրք առջի օրէն  
պարտին զրկուիլ։

Յուղարկաւորման ներկայ գտնուող ան-  
ձինք պարտին ըստ կարելոյն սեւ կամ  
մութ-գոյն հագնիլ։ Ներելի չէ առանց  
բանաւոր պատճառի ներկայ չգտնուիլ  
յուղարկաւորման մը, առ որ հրաւիրեալ  
է ոք յատուկ նամակաւ։ Պէտք չէ մոռ-  
նալ թէ վշտահար անձի մը ցոյց տրուած  
համակրական նշանք մեծ յարգ ունին։

Նշանակեալ ժամուն, հրաւիրեալ յու-  
ղարկաւորք հանգուցելոյն տունը կ'եր-  
թան։ Եթէ ազգական կամ մտերիմ բա-  
րեկամ է, պէտք է ուղեկցիլ մինչ ի գե-  
րեզմանատուն։ Իսկ եթէ պարզ ծանօթ-  
մ'է, եկեղեցոյ դռնէն կրնայ ոք մեկնիլ։  
Կանայք սովորաբար վախճանելցյն ըն-  
տանեաց քով կը գտնուին։

Յուղարկաւորման միջոցին, ամենէն  
մերձաւոր ազգականք գագաղին անմի-  
ջապէս ետեւէն կ'երթան։ նոցա ետեւէն  
բարեկամք եւ ծանօթք։

Թաղման արարողութէնէն յետոյ, հան-  
գուցելոյն ազգականք գերեզմանատան

գուռը կը կանգնին եւ գլուխնին կը խո-  
նարհեցունեն անցնող յուղարկաւորաց։

Մեծ քաղաքաց մէջ սովորաբար սեւա-  
թոյր կառքերով կ'երթան յուղարկաւորք  
ի գերեզմանատուն կ'զերն առջեւէն, մեր-  
ձաւոր ազգականք եւ բարեկամք ետե-  
ւէն, եւ նոյն կառքերով կը վերագառ-  
նան։

Յուղարկաւորման ներկայ գտնուող  
անձ մը պարտի տիպուր կամ լուրջ դէմք  
ունենալ։ Պատշաճից հակառակ է ասդին  
անդին նայիլ կամ մէկուն միւսին հետ  
խօսակցիլ զուարթ կամ անհոգ դէմքով։

Եթէ վախճանելցյն ընտանիքը մերձա-  
ւոր ազգական է, ցաւակցական այց մը  
պէտք է տալ անյապաղ. եւ եթէ մարդ  
չեն ընդունիր, այցետում թողուլ։

Այցելու տիկնայք պարտին պատշաճ  
հագուստ կրել։

Վախճանելցյն ընտանիքն ամիս մը յե-  
տոյ այցետում կը զրկէ այն ամեն ան-  
ձանց, որք ցաւակցական այցետում թո-  
ղած են, եւ գրով չնորհակալութիւն կը  
յայտնէ ցաւակցական նամակ գրողնե-  
րուն. իսկ քառսուն օր յետոյ փոխա-  
դարձ այցելութիւն կուտայ ցաւակցական

այցելութիւն տուող ախկնանց կամ ընտանեաց :

44. Սուգ.

Սուգ բառը մերձաւոր ազգականի մը կամ սիրելոյ մը մահուան վրայ կոկիծ կամ տիրութիւն կը նշանակէ :

Սուգոյ արտաքին նշաններն են .

1. Սեւաթոյր զգեստներ հագնիլ առժամանակ մը , կորուստին ծանրութեան եւ երկրին սովորութեան համեմատ :

2. Հրաժարիլ ուրախական ցոյցերէ , այցեր տալէ , զբօսավայրեր երթալէ :

Սուգն երկու աստիճանի կամ ժամանակաշրջանի կը բաժնուի . առաջինը կը կոչուի Մեծ-սուգ , երկրորդը Կէս-սուգ :

Մեծ-սուգ միջոցին կանայք պարտին հագնիլ սեւ բուրդէ , քաշմիրէ կամ մէրինոցէ շրջազգեստ , երկար եւ քառակուսի սեւ շալէ վերարկու , սեւ շլարշէ փեղյոր , սեւ շլարշէ երկար քող , սեւ շլարշէ օձիք եւ պարանոցի թաշկինակ , սեւ մետաքսէ կամ կաստորէ ձեռնոց : Մազերնին ալ ողորկ պարտին լինիլ եւ ոչ գանգրեալ կամ ալէ ծածան :

Կէս-սուգը նուազ խիստ է . կանայք կրնան սեւ մետաքս հագնիլ . մեռնողին եղբօր կամ քրոջ դստերք ալ կրնան սեւով ու ձերմակով կամ գորչով խառն կերպաս հագնիլ :

Սուգը արք ալ սեւ զգեստ կը հագնին ձերմակ փողկապով :

Սուգի տեւողութիւնն է (Եւրոպիոյ եւ մասնաւորապէս Փարիզի մէջ) այրի կնոջ համար երկու տարի . այսինքն տարի մը մեծ-սուգ , վեց ամիս հասարակ-սուգ , վեց ամիս ալ կէս-սուգ :

Կինը մեռած արանց համար մէկ տարի . այսինքն վեց ամիս մեծ-սուգ , վեց ամիս ալ կէս-սուգ :

Հօր եւ մօր համար մէկ տարիէն երկու տարի . առաջին վեց ամիսը մեծ-սուգ :

Հաւերու եւ մամերու համար վեց ամիս . երեք ամիս մեծ-սուգ , երեք ամիս կէս-սուգ :

Եղբօր եւ քրոջ համար վեց ամիս :

Հօրեղբօր եւ հօրաքրոջ համար երեք ամիս :

Հօրեղբօր որդւոց համար քառսուն օր : Խնամակալի կամ կնքահօր համար երեք ամիս կամ գոնէ քառսուն օր :

Ժառանգութիւն թողող ազգականի մը  
համար վեց ամիս :

Տաներկու տարուէն վար տղայք մի  
միայն իրենց ծնողաց համար մեծ-սուգ  
կը բռնեն :

Սգաւոր մը , սուգէն ելնելէ առաջ պար-  
տի փոխադարձ այցելութեան երթալ այն  
անձանց կամ ընտանեաց , որք ցաւա-  
կցական այցելութիւն տուած են իրեն :

### Հարցարան .

40. Ի՞նչ է բարեկրթութիւնն : — Ի՞նչ-  
պէս պարտի վարուիլ տանտիկին մը կամ  
օրիորդ մ'ընկերութեան մէջ : — Ի՞նչ են  
մասնաւորապէս աղջկանց համար աննե-  
րելի եղած բաներն :

41. Ի՞նչ օգուտ ունին այցելութիւնք :  
— Քանի տեսակ են : — Ամանորի այցե-  
լութիւնք ի՞նչպէս կը կատարուին : —  
Աղջկ մը կրնա՞յ այցելութիւն տալ : —  
Ո՞ր ժամերու մէջ կը կատարուին այցե-  
լութիւնք : — Ի՞նչ բարեկրթական սո-  
վորութիւնք կան այցելութեանց մէջ :

42. Ե՞րբ կը զրկուին կոչունքի կամ ճա-  
շի հրաւէրք : — Ի՞նչ պարտի ընել ճաշի

հրաւէր ընդունողն : — Ի՞նչ բարեկրթա-  
կան սովորութիւնք կան ճաշի մէջ :

43. Ի՞նչ պարտի ընել ոք երբ իւր ըն-  
տանիքէն մէկը կորուսանելու գժբաղ-  
դութիւնն ունենայ : — Ի՞նչ բարեկրթա-  
կան սովորութիւնք կան վախճանելոյ մը  
յուղարկաւորման միջոցին եւ անկէ յե-  
տոյ : — Ի՞նչպէս կը կատարուին ցաւակ-  
ցական այցելութիւնք :

44. Ի՞նչ է սուգն : — Ի՞նչ են սգոյ ար-  
տաքին նշանք : — Քանի աստիճան կամ  
ժամանակաշրջան ունի սուգն : — Ո՞յք  
են սգոյ տեւողութեան պայմանք եւ աս-  
տիճանք :



## ՑԱՆԿ ՆԻՒԹՈՅ

### ՄԱՍՆ Ա.

1. Պարտականութիւն տանտիկնոց . . . . .	9
2. Տնաւէն կին . . . . .	13
3. Տնաւեր կին . . . . .	16
4. Փուրաջանութիւն եւ ծուլութիւն . . . . .	18
5. Պչրանք եւ պարզութիւն . . . . .	20
6. Խնայողութիւն . . . . .	23
7. Քաղցրաբարոյութիւն եւ դաժանութիւն . . . . .	26
8. Տնտեսական առածք . . . . .	27

### ՄԱՍՆ Բ.

#### ԱՌՏՆԻՆ ԱՇԽԱՏՈՒԹԻՒՆՔ

9. Մաքրութիւն . . . . .	31
10. Խնամք կահուց եւ կարասեաց . . . . .	34
11. Խնամք անօրոց, խոհարանի եւ կերակրական սպասուց . . . . .	38
12. Լուագք կտաւեղինաց եւ արդիում . . . . .	43
13. Խնամք կտաւեղինաց . . . . .	45
14. Խնամք զգեստուց . . . . .	47
15. Խահագործութիւն . . . . .	51
16. Զեռուցումն եւ լուսաւորումն . . . . .	54

17. Հաւնոց . . . . .	57
18. Զգուշական միջոցք ընդդեմ հրդեհի, վճասակար ննեաց եւ այլոց . . . . .	59
19. Ասղնեգործութիւն . . . . .	62

### ՄԱՍՆ Գ.

#### ԾԱՆՈԹՈՒԹԻՒՆ ԱՌԴԱՉՍՊԱՍԿԱՆ ՍԿԶԲԱՆՑ ԵՒ ՀԻՒԱՆԴԱՊԱՍԿԱՆ ԿԱՆՈՆԱՑ

20. Առողջապահութիւն . . . . .	69
21. Պահպանողական միջոցք . . . . .	71
22. Զգուշական միջոցք . . . . .	74
23. Զգուշական միջոցք ընդդեմ ձեռութեանց եւ խեղաքիւրմանց մարմանյ	77
24. Մաքրումն ապականեալ օդոց եւ ժանահութեանց . . . . .	79
25. Զգուշական միջոցք ընդդեմ համահարակ եւ տարափոխիկ հիւսնդութեանց . . . . .	82
26. Հիւանդապահ մայր կամ կին . . . . .	85
27. Փոփիխումն կտաւեաց եւ հանդերձից հիւանդի . . . . .	88
28. Խնամք ապահինելոց . . . . .	90
29. Կարեւոր զիտելիք մարց եւ առհասարակ ամէն տանտիկնանց . . . . .	91
30. Պարտասութիւն եւ զործածումն	

մի բանի յոյժ սովորական դեղոց	95
31. Պատրաստութիւն . . . . .	98
32. " . . . . .	101
33. Նախնական դարմանք յանկար- ծական հիւանդութեանց եւ պա- տահաց . . . . .	104
34. Նախնական դարմանք . . . . .	197
35. " " . . . . .	109
36. " " . . . . .	112
37. " " . . . . .	114
38. Դարմանք մանր կամ քերեւ պա- տահարաց ոմանց . . . . .	117
39. Ողջապահական խրամք եւ ա- ռածք . . . . .	121

### ՄԱՍՆ Գ.

#### ԸՆԿԵՐԱԿԱՆ ՊԱՐՏԱԿԱՆՈՒԹԻՒՆՔ

40. Բարեկրութիւն . . . . .	129
41. Այցելութիւնք . . . . .	131
42. Կոչունք կամ նաև . . . . .	133
43. Մահ եւ յուղարկաւորութիւն . .	135
44. Սուգ . . . . .	138



16/16

9676

2013





معارف هنرمند نظارت جلیل‌السنان و خسته‌لله غیب او فتحشدر